

湖陰先生文集
六五

5563.7
8240
1962
v.3

BERKELEY
LIBRARY
UNIVERSITY OF
CALIFORNIA

Carpentier

湖陰先生文集卷之五

雜稿

寓直景福宮 假將

籠檻終非鳥獸便歸心日夜繞湖邊強顏新貴妨身老放意長閑適性偏
雲際疎星光欹沒城頭殘漏箭猶傳荷衣免被塵埃污急上三章返舊田
復疊前韻

經筵終慙腹漫便憂端吹雪髻絲邊玄真浪迹漁蓑裡甫里全家釣舸偏
幾處候門行馬設誰人除目制麻傳不須更惱揄鬼歸去湖陰理廢田
感懷

江濠勞夢遠城市寓居迷細雨肥櫻子空簷墮燕泥漁蓑尋舊債書卷打
輕齋強欲追高舉青冥未有梯

荅申棐卿通判

題輿何久屈英才觸緒多違意未開半世神交真莫逆百年強項共難回
鼎湖風雨欺書幌鴨綠烟沙繞釣臺豈待青山映黃髮柴桑應已賦歸來
莫道三年會面遲山郵一夜照襟期排殘舊事傾懷際坐到孤燈欲滅時
已分觀身嗤土偶可堪供世染霜髭誰言交態遭輕薄老子從君豁所思
題遜齋詩稿後

讀罷諸篇爲歛襟却宜培塿讓嶽岑愜情已得爬仙瓜洗耳還聞振雅音
敢謂天機臻壘斷粗知真趣在深海南文字湖邊句未信人才有古今
心追古作足爲師適用從來貴達辭王謝家風皆俊快孫吳兵法自雄奇
石中至寶誰當剖岩底幽蘭不冀知回首詞場篇什富幾人高造到君詩
戲效香山體錄奉恩逸

已過端陽恰半旬支離閣得病愁身世情冷暖曾諳盡人事乘除試算均
鍛鍊篇章差有味飛揚霄漢久無因夢魂不道官羈絆夜夜歸來寂寞濱

一炷心香一榻氈門前車馬閱駢闐老來進就從三北病後依違動半年
西塞玄真貪寓釣東都白傳受叅禪自緣偏性難諧俗不是當時事棄捐
釣磯西畔藥欄傍宿卜埋金近寶坊舊業猶存真得便餘年無幾亦何傷
笠蓑未償三生債杞菊寧論十口妨五相一漁從古事可能書尺及滄浪

題春坊契軸

萬中青錢選承華地望隆共分調護責無策講論功宮掖輪應並湖游賞
亦同深情非盡了相勉在無窮

送沈孟容出按嶺南

南紀藩維重詔詢鍊擢殊中兵方贊務左掖舊陳謨魏闕除書下江關使
節逾輝芒占象偉山岳動方隅騰判風生牘寧移火急符解章多避路負
弩揔前驅節制文兼武剴裁吏飾儒錦袍明駟馬棠棣列行塗風物樓臺
麗江山郡國迂謳謠行且採鵲詠未應孤莫爽幽明鑑須寬邑里逋外庸

爪未及嚴召望先孚牢落玄真釣微茫范蠡湖幾時煩問主沙逕欲鋤蕪

送金呈瑞充謝 恩赴燕

皇恩明系謬使者簡才賢篚篚供庭實詩書蘊對專輕齋堅素節重價敵
青錢麥秀遼西路花明薊北天聲華傾夙夜風彩聳班聯領畧資多識恢
張賦幾篇委身從遠役完 命有殊遷病負春明餞題詩當贈鞭

書李濟叟畫竹大僕契軒

昔在湖上醉眠重竹抄天風嘯鸞鳳半夜急雨自西來堅葉橫枝困飈弄
森然警起神惝怳移燭擡眸擘窓空紛披偃亞意勢奇敲撼琤琮宮徵動
苦無淋毫形肖逼又無活句摹擬中一別鄉山更京輦垣屋聯延接覺棟
豪家雕砌養寸碧拂耳唯聞市聲闕佳賞清音視聽背敢望此君助吟諷
李侯吏隱積薪下忍受摧壓未嫌痛戲發天機寫墨君雨靡風踈俱驚衆
寧須論假與論少却勝萬竿包巖洞衆史安能備奴僕直追文蘓衆伯仲

太僕官曹修契事作意揮洒遣分送唯當不朽堅久要聚蚊何人空一夢
訓鍊院踏月

烟燕極目際重城偶值秋風放晚晴涼月滿街人欲散遊娃何處踏歌聲
戲示柳耳孫

城東漢濱子馬貴闕相尋胝手書蠅字搖頭學苦吟浮名投鼠璞絕藝重
南金儻遂濠梁興期君把臂臨

送國弼按嶺南

報政湖南席未溫又乘輜傳出都門一身敢道賢勞事萬里期酬簡擢恩
文俗豈消裁雀鼠祥刑先要務平反歸來峻秩升卿月八手鉤衡自闌藩
湖上逃空弔影身老年光景付垂綸一漁五相真知分百巧千窮謹道貧
鋤逕敢言煩寵訪折蔬猶可見情親南賓不隔春明遠款段相期侯路塵
與南仲同試漢吏學科

南省從容朝復暮
西州邂逅燕違鴻
三宵燈火敷床共一味
詩騷擊節同
水蘂矢心孚論重
江湖挑思憶歸濃
卯申不貸叅尋便何日
敲門到水窮
寄河濟翁

軟紅塵裡拂朝衣
君正忙衙我掩扉
花絮紛紛時易失
江湖漠漠夢還非
積憂減睡通宵坐
多病增衰與世違
何日官曹抽手版
理帆清洛共言歸
送青松琴仲材使君

抱病多負挽行騶
曉日都門草樹秋
捧檄敢爲鸞枳嘆
叨祠還愧斗升謀
開窓盡日青霞爍
撥火通宵白石留
便合鍊真圖久視
不應消得擁黃紉
奉寄遜齋醮昭格真殿

醮祀三清屬重臣
雲車風馬下高真
自緣精白心能享
可使霑濡物未均
入水試看翻符帶
過林猶惜濕鶯身
知公賸借天瓢瀝
賀雨明朝筆有神
送金叔胤出宰知禮

江湖拜散敵封侯，強踏緇塵白半頭。
蓑笠久慙鷗鷺約，卯申剛絆米鹽謀。
試分山澗無錢使得近，鄉關有蟹留投綬。
歸時吾請老烟波，同泛李膺舟。

謝子序和詩并寄海味

清和晴景入簾低，午枕驚回日在西。
已檢般包收海味，更披佳什放吟題。
交遊渙散如翻局，霄漢微茫未有梯。
勉寄詩篇爲永好，老夫哀集欲編屏。

題春坊契軸

若箇宮坊彥衣冠，挹勝流露門停。
勸講川上畫朋游，眺望寬無礙盃尊。
爛不收及歸陪問寢，嚴鼓動龍樓。

送許彥寬出宰雲峰

林下相隨學力田，京塵共苦費支錢。
已從管驛收高最，要識治人着後鞭。
爽挹峰巒朝挂笏，暖留枕被夜酣眠。
病夫無緒唯思退，先爲飛書抵萬川。

寄李伯益

火傘張簷霜着色綠錢鋪砌雨留痕勾添詩料能多少把卷何時細討論
慕華池得雨而還有感

貴重桑林整側修幾回雲漢軫宸憂微臣敢道拈香勸一雨唯欣歲有
秋

與盛中野酌城南

小酌班荆奏從伶松聲瑟瑟澗泠泠今年莫道秋差晚且作重陽菊未零
澗筑松簧替衆伶詩魂蕭爽濯清泠連傾白堕都忘醉纈眼空花幾片零
甲辰仲秋望夜同寅諸公邀餞訓鍊院明日詩以爲謝時余將赴燕
三五良宵當魄滿頻搗鼉鼓看輪升霽通綃幕纖氛屏光吐摩尼濁水澄
興發撞鍾跳戒縛狂思斫桂倒乘凌叨逢勝餞忘濡首歸路殘河繞玉繩
夜讀皇華集

試讀皇華集含悽到夜分薛仙曾化鶴吳老又修文共接交傾盖俱瘦對

壘軍壘漫無復質從此罷揮斤

盛仲家夜集

漸成寬帶東陽瘦空詠歸田靖節詞誰識閒忙俱有繫每談林下共襟期
橋頭烟柳朱門掩狎客曾過贈艷詞却似潯陽舊商婦詩人相遇豈前期
留歡偶值清秋夜攀和翻慚白雪詞置驛當時休倦費吾儕還有菊花期
賞心寧負月圓時滿紙淋漓讀舊詞自昔山王以官累定和佳客誤深期

南仲第夜集

幾向君家授簡頻瑤觴重把惜殘春輕寒已恨園桃瘦更奈封姨不貸人
井中沉轄走窮賓詩被催成筆欠神蘭燭恰燒餘一寸留髣更見主人真
濟叟携酒來問伯益謹夫大容亦與席明日詩以爲謝

卧病城東決數旬蓬蒿滿徑少來人交深裹飯君多思禮缺科頭我任真
酪粉冰漿聯異味浮瓜沉李飲時新清談頓覺蠲煩暑何況諸君盡席珍

飲罷盛仲弟望月而還

中元士女盛遨遊，病客空驚節序流。
鍾動譙樓風遞曉，露寒金井葉飛秋。
雲添騎省星星白，帶減東陽綬綬紅。
飲罷肩輿還踏月，玉毫千丈射雲頭。

盛仲見邀賞月戲贈

瘖不冰炭覺相爭，忽有嘉招起賞情。
十事每違居八九，我生何怪百無成。
良游共待玉輪盈，雲物欺凌不放明。
縱伐靈鼉終敗意，西風空遞散珂聲。

悼趙公紀

江鄉魚鳥可忘機，羈宦寧知竟誤歸。
遺愛四州碑是口，登年七袞錦爲衣。
邵丹引足官何惜，疏廣揮金計已違。
無復把緡臨釣石，他時那忍故人非。

奉寄挺然乞菊裁

白白紅紅錦作叢，陶家三逕讓繁雄。
花神不管飛青女，故向名園競效功。
坐久都忘席屢遷，離離花影爛燈前。
歸途一任金吾問，被惱真成太放顛。

卧聽風回晚市聲游塵苒苒拂南榮莫言更隱非真隱足適天遊玩世情
愧無佳句賒秋色那得幽香到俗塵只是花裏同我晚煩君一擔半陳人
洗空文簿忙衙污唯有君家可款扉花事不容風日貸更教羅幕十分圍
依韻答西海趙季任監司

禁從輜軒使西人閱幾過雕龍馳絡節斗印煥文綬餘事風騷製堪朝屈
宋衙老夫思賈勇堅陣掣常蛇

病裡春仍暮閑門過徃稀簾鉤欺霰雪香篆擢烟霏夙世思房琯長生愧
令威猿狙直何苦違性褻朝衣

衰較前年甚臨銅失頰紅翳燈迷卷面隔霧看花叢避事收長策憂時乏
寸功湖邊有歸棹何日理便風

吏事緣經術知公判牘平就陰俱息影懸鏡孰欺明吟諷恢騷思登臨稱
賞情棠花飄雪白隨處送行程

卧度芳菲節天慵廢涉園
媽花粧幾宅青旆何村習
隱交游絕觀風樂事繁無
營叨厚祿深愧鶴乘軒

題兵曹郎署契軒

丙銓郎署皆時望務劇中
兵更簡才環衛共嚴文陞
夾遠籌能折羽書催從容
步武通竊振厲風聲上栢
臺回首亨衢騰化速一歡
憑與畫圖開送人出幸安
西

臯比試輟虞庠裡竹使還
分西海頭客席有懽多黠
艷雷封接壤盡名樓也和
卧治收高最無復驚袍軫
聖憂春鴈來時煩問字湖
邊吾已具歸舟

題刑曹郎署契軒

秋臺郎選聳明廷八駿翩
翩應列星探黑白九姦盡
屏裁朱墨簿手無停每當
疑讞求全活共守科條贊
措刑朋好在心寧在外更
須摹跡寄丹青

題戶曹郎署契軸

六官郎宋符星象地部掄才最列卿金穀正須裁出納考稽何必取奇贏
禮垂式版民爲重侈啓觀盈計莫輕了却在公謀勝集江湖春眺及新晴
送清源赴忠州

琴鶴瀛洲告六瓜葉城還駕畫熊車一生恬默寧虞屈半世賢勞不到家
入手江山諧勝賞埋頭簿牒管忙衙漢朝選相皆治最收得桑榆未苦遐
送李嘉中赴晉州

纔釋西原綬還分晉鄙符詩書元抱負撫字極涵濡却是徵黃近無論賜
紫迂雖言百里小九萬蘊鵬圖

浩亭丘墓廢已不禁樵蕪事業餘牲繫來雲芝芋區風雲思徃代蕉荔闕
時需爲善何由勸停旗一剪蕪

老去懷仍惡驪駒況在途願留吾豈果決去子何須烟柳含離席風旗落

酒壺定知書不阻秋鴈到東湖

送梁大春赴龍潭

起廢分山礪華顛
凭鹿車波橫劒
倂石衙管鳥言
胥淡薄元吾事
聲并莫自踪
向來怙勢利
肯遺子公書

宿昔金華省論思
要格君共推長孺
直寧少絳侯
文葵足何傷
拔蘭畦祇自薰
詩書傳素業
待聘亦多聞

收最先增秩
緋袍聳鷺聯
都將六月息
還被九卿遷
撫玩桑榆景
飛騰汗漫天
應同泰山守
樂事華高年

送人出宰嶺南

白首叨祠祿
歸耕姑未諧
幾逢人作郡
長被鬼攔街
攀折青門柳
遮留白鼻騮
異時憑鴈書
札慰離懷

倚牆羅羽蓋
香雪漲梅林
憶得分符客
同爲擁鼻吟
分題多刻燭
劇飲到

橫參定有孫枝在巡簷待賞音

題夏官郎署契輟

天上郎星應八仙中兵機務屬才賢從容制畫無千里飛步紆遷選萬錢
暇日共爲消暑飲賞心看弄打魚船歸來盛事喧都下不用將詩要後傳

送汝溫賀聖節

湖嶺風霜敝使袍燕山今復賦賢勞一身許國寧多便萬里朝天問幾遭
壯觀固應心已廣異書翻使見尤高歸來所得資超詣共識雲霄一羽毛

先生凡三赴
燕皆值暑潦

久叨祠祿間清塵翰墨分功得許親同郭乖逢猶作惡異鄉相阻轉無因
遼河漲潦行應滯蒟樹晴烟望忽新欲賦使難規闕少料君繩檢足儀人

西涯作使難
贈喬常伯

都門畏日照風旌回首行塵滅去程豈是飲水憂熱內却須啣命達神

京書能收益宜多購酒可傷真要細傾愛惜不貲期早返親朋應共屬深情

奉寄汝溫

賢勞萬里共艱辛頭白歸來幸接隣蜂趨園花交識主犬迎門客誤相親
隨行久費支離粟投社難收白傳身入手鉤衡知不遠許分符竹近鄉人
絮飛花謝又春歸嫩綠交陰樹四圍一陣微涼便御袂恰如湖舫試蓑衣

送景寓按嶺南

藩維惟八嶺爲雄簡使從來軫聖衷替務中兵當畏日策輶關路復重
風高才可但消盤錯遠業終湏看事功辦了一方優報政已占卿月麗層
穹

名區七十屬提封能賦登高幾盪胸望裡劃帆何處水吟邊鬪畫幾重峰
豈容民政歸觴政要使姦鋒折筆鋒歷試詎非經濟用庭廊虛席候從容

自遣

九衢塵漲隘輪蹄何限趨營病夏畦獨有老翁無意緒半簾秋樹聽鶯啼
秋宮怨夢中作

梧梢斜月滿宮簾卷幔淒風拂曉尖夢裡羊車驚轆轤景陽鍾動理粧奩
冥鴻曾知樞請老不諧請告而歸舟次東湖詩以追餞

尚多精力繫行留收得桑榆苦未休理取蒲帆凌浩渺載將燕玉足溫柔
分題競病搗奇藻起廢韜鈐畫遠籌日落汀洲愁不斷蘋花搖蕩送歸舟
簡安分李伯益

舊雨來人今不到古人先獲此時心空煩小札來相問不見高軒為過臨
情倒子輿慳裹飯律差虞舜罷彈琴蘓端正隔泥如海鋤逕明朝候足音

酬柳下示韻

此下至書友人契軸二
十首出昔年雜稿

共攀蟾桂卅餘春往事真成隔一塵選中萬錢相並影迹同三黜束孤身

菁華忽爾人難老山色依然事盡新但使戴盆終見日賀書吾欲趁黉賓
用十二辰體寄遠辱堂

老鼠紀月訪真休不覺春令鞭土牛懷哉虎茵坐談夕擊兔伐狐聊相謀
開堂偃仰卧龍腰夜夜青蛇光徹霄飯奴菊馬識款意欲伴相羊幽興掩
從來爭競甚躁猴不用鷄卜占封侯東門黃犬悔不及糞壤孤豚甘自由

哭李盛仲

半生深分到忘形灌竇相依末路丁甕頸看來殊媚嫵門蘭鋤處亦芳馨
高情豈倦登臨數豪飲寧饒斗石停湖舫秋風漁思發松岡晚籟醉眠醒
懽悞未艾逢過地膏火潛銷奄忽靈賓榻妓房憐鎖閉酒徒甚伴泣凋零
不憂素業歸淪替所喜諸郎有典刑他日經壚懷舊淚幾回鄰笛不堪聽
送榮期赴大同察訪

程驛爲官小云胡簡 聖心直緣西路重要使通臣臨弊自祛深痼茲惟

劇活擒向來儲相地往試搜尋

了了西都勝因君討我曾湖明堪擊汰樓迴愛頻登雅量今開府華筵喜
得朋自憐飽擊久春盡睡曹騰

雲密不成雨西郊祖帳多願留夙夜悵別擁笙歌消息頻烹鯉歡娛莫
伐鼉最升增秩返戎馬更鳴珂

送人作郡

從來百里動郎星凋郡掄才豈易丁春省登天辭勝侶海城如斗掣閑鈴
三餘不廢溫前業六最還須徹上聽非久定膺增秩召璽書知隔幾
秋螢

書普文詩卷

飽聽山中業白聲向來顏狀昧平生渠功只在埤成鏡枉驚人間有底營
深藏難沒是詩名屨滿門前索句成文藻不堪當世用祇消僧卷寫閑情

重重世網與塵嬰未斷龍門結社情解道僧中交一半通來懷謁盡渠名
杖錫飄然莫滯行山中薇蕨報春生未須衣化緇塵裡好箇還山弄月明
乞詩端爲重渠名詩惡多慚語不驚寫就不虞翻作笑不能渠重遣渠行
奉酬眉叟示韻

嘉招忽復抵君居未害韋郎迹也踈幸免穀中同委命相忘濠上共觀魚
力貧漉出陶巾酒汲古抽看鄴架書省署寅清歸博雅每慙瓊玉索空虛
懷章未敢叩高居自分乖情與世踈荷鍾秋山行斲藥放船春漲憶陳魚
清詩屢嚙三危露短世唯消一束書襟袂何時諧一宿話殘參月到橫虛
齒脫戲寄元亮

久拚雙鬢盡爲絲不向人前遽道衰幸免舌存聲艾艾翻成齒落語期期

送申元亮赴泰山

崔孤雲
曾守此

衰年情緒易悽傷更柰心知悵別腸祠祿久叨無報效竹符新佩有輝光

孤雲引望湖天外殘雪留驟酒幔傍會合幾何乖隔屢不堪人事細思量
從古高人例縛名松堂蕙帳曉猿驚鰕魚流水逢春羨五馬方舟帶晚征
幾許親朋攀柳送自憐齋禁矢詩情崔仙舊壤遺風在努力期君不墜聲

齋宿
學宮

莫問行年與我同此回吾道亦俱東詩書舊業拋來久撫字新條認得通
墨綬簡除真僅見白頭逢泰豈終窮丈夫所立多遲暮奇遇君看渭上
翁

書夏官諸郎契軸

中兵罷務共鳴珂漢曲清遊引興多望裡直窮孤鳥沒席邊高壓遠帆過
方歡已復侵街鼓急景無由退魯戈好倩龍眠謀壽迹歲寒風義定難磨
送西海按使

幾年帷幄承清問千里封圻動使旌風彩固知傾夙夜強豪應已懾威

靈開倉穀腹民皆果判牘繩姦吏盡驚滿路棠花供迓送輜軒無處整淹停

浮名未放積薪場末路相收意頌疆不管送入逢鬼笑唯思招隱伴漁郎停雲杳處傳書遠卿月升時赴召忙且作河橋攀柳別明年飛絮拂歸裝

書友人契軸

涖灘歲直生賢運初度筵開聚德星官任崇卑宜尚齒義惇榮落好忘形溪聲度曲聆尤妙山氣含秋醉易醒畫裡衣冠傳盛事幾回張處眼俱青書金自修畫軸

往事回思卅五年茂溪風雨艤蘭船雲林咫尺嚴家通不向壚頭破百錢湖邊舊業釣磯間魚鳥依然笑我頑會乞殘骸理歸棹夢魂無夜不江關

次龔吳天使韻

已亥華薛來余爲製述官作

鸞書遙迓使星槎徒御紛綸踏暖沙形勢連延窮遠塞儀文郁穆接中華
晚雲放日輝征旆好雨連朝開岸花自是藩邦勤供極皇恩偏覆舊同家
戎樓孤聳倚春城一路簫笳引客程西省掄才瞻使節中堅環詔擁藩兵
前星彩耀爭傳慶聯璧名高共挹清琬重詔詢能賦手却教巴徧識希聲
九重端本頒仙詔遼薊塵沙犯客袍景物撩懷驚節改風雲屬思逞詩豪
芝函載道隨龍節羽騎前驅殷畫轡快覩鳳麟無遠通東人傾迓最騰謔
清漲微風送畫船宮袍魁岸坐中邊海邦展誥雙旌並綺陌鳴珂一字聯
風範固應儀百世胸懷豈止著千年望塵已覺吾多忝何況蘭芳襲蕩然

良策韻

使軺凌險不應迷負弩前驅踏曉泥層漢展屏攢列岫深叢雜佩咽奔溪
詞鋒淬鍊真難敵老氣崢嶸未易低自愧續貂才薄劣鴻溝那敢割東西
頻聞叱馭過林丘晴日麟袍絢欲流花氣細薰薰麝送山光濃學畫眉浮

曾無蕙苒車中載只許篇章橐裡收疎宕也知觀覽富茲遊不愧子長遊
詩句新傳妙才名舊惠多千篇凌鮑謝百世倒陰何撤座金蓮燭聯街白
玉珂東來留賞遍醉墨洒岩阿

好士今誰並傾心賞最多綸書臨鰈域椽筆輟臺坡敢謂輸同趣唯知賴
及波向來東海志人物愧三何

龔使謁廟韻

使旌臨學聳儒林匝路松行鬱窈深數仞墻高瞻廟宇千年神在肅寔陰
心存講道勤絃誦禮秉尊賢整佩衿聖世宗師元不外更看文教盛於今

吳使謁廟韻

進學由來足級階望洋猶未識津涯文風舊說漸來遠廟貌還知到處皆
芹泮渙流通璧水杏壇時雨潤陰厓瓣香瞻拜儀雙鳳景仰青衿溢九齋

次上使韻

選重青錢荷 主知壯遊端不負良時和珠雅有連城價海鶴還多出俗
姿漢水追陪拚勝踐鴨江留別展瓊辭藩邦歲占文星彩緩步花塢佩陸
離

次副使韻

百戰文場捷趁登上將壇敢言叨入室薰沐愧香蘭

唐使有月登太平樓韻

春興春愁兩黯然幾回驚覺幾回眠
謾虞薏苡非新息草滿池塘夢惠連
驚披試辭新賜火海邦來趁落花天
仲宣賦手多才思留與風騷萬口傳
唐使登太平樓和壁間韻

龍章來布 聖恩深何異威顏咫尺臨
鶴禁已增端本慶藩君常效下階
心玉堂整輟揮毫手鰈城多收採俗吟
自古登高見能賦留連非是費光
陰

唐使登漢江樓韻

山腰官閣跨江濤，席下都無地可臨。
霧罷遙岑爭露髻，日斜輕浪靜浮金。
才供八斗摘天藻，興越方舟破夕陰。
一餉陪遊真不偶，他年相憶兩情深。
下瀨寧同送上溪，況供魚酒不勞携。
一江烟水開明媚，滿目風光入品題。
芳杜渚重尋轉曲，採菱歌遠聽都迷。
清談自覺蠲心滯，醉吻何須解紫梨。

史使登太平樓韻

雲梯踏盡上層樓，徒倚雕欄曲曲幽。
雨挾嵐光侵戶入，日移花影上簾浮。
歸心對月懸中禁，驛思撩人賦遠遊。
來往了知真夢事，他時鴻迹更悠悠。

史使遊漢江樓韻

東韓本仙區，形勝稱漢水。
華亭據山腰，直壓波不起。
鏡面瀉晴漢，物象巧相比。
細流合靈源，混混來不已。
明媚富雲沙，涵淹足介鱗。
鼓枻集商舶，弄水多游人。
慈菴樹張幄，却略山圍屏。
茲地復何幸，使槎泊前汀。
都人競奔

波爭靚李郭舟魚龍亦來騰平波凝不流兩仙金閨彥萬選推才美未能
窺閨域詎敢違風旨待士不鄙夷固已知虛己一斗收百篇縱謔航船裡
蟾輪破雲翳緩棹凌空明不愁歸路遙候火光穿城纈紋眩紅綠未放醉
眸瞪紀勝須健筆顧我徒含情

龔使登龍頭峰韻

危峰峙江潯面勢巧當島聘望極空曠覽物舒懷抱魚鳥喜華節迎棹出
蘋藻形勝固天有待人增媚好更須文字傳見賞翰苑老

龔使泛楊花觀捕魚韻

不盡登臨興輕舟汎日斜湖平涵晚碧雲薄透明霞候火穿村樹漁歌隔
浦沙誰當虞澤竭八網盡魴鯈

吳使望遠亭韻

縱目層霄迥方知所歷遙江光橫練匹汀草抹裙腰節駐三韓地人非駟

馬橋通臣臨僻壤殊眷荷 皇朝

吳使登龍頭峰韻

崖面攀樓鵲雙旌俯碧灣學高程洛下名壓陸雲間壺裡藏真境行邊得好山忽忽愧沙鳥長占水烟閑

龔使重遊漢江韻

城南纔尺五幽勝離人群豈意皇華使來傳嶺外文凌波浮桂楫釋嶠看晴雲夜燭何須秉蟾光破暝曛

吳使太平樓韻

豪吟不作瘦兼寒對景無詩正爾難行李未應客別物簡書寧許放窮歡詠殘春物篇章富算却游程道路漫環重登高能賦手他年勝事說三韓

吳使碧蹄阻雨韻

藩邦拱極由來舊環贄聯翩禮絕常路隔四千臨咫尺江分一帶限邊疆

聲推獨立衆門省班近三槐聳鷺行大慶普頌均有截東人先得荷龍光
龍興使將發碧蹄阻雨韻

就館無勞更算程藩京明日駐飛旌綸章欲沛 皇恩去喜氣懽聲已滿
城

龔使和碧蹄史鹿野韻

匝月關河了往來還尋去路好懷開溪聲帶舊侵賓榻山色多情傍酒盃
改敵不堪藩國思繫駒難挽使車回望塵已覺吾多忝何意當筵酌彼壘
題保寧客館

歌喉莫苦唱陽關老守年來欠素蠻楊僕營中逃酒席河陽路上駐歸鞍
城頭直跨高低屋脚底旁圍遠近山一任長天寒日墮使君豪飲未應闌
黃鶴樓

空遺傑閣壓蒼茫鶴背冷風汗漫鄉遠郭乍分烟樹外長洲橫帶夕蕪傍

誰留欲碎豪吟在謾想重新粉壁香才似謫仙猶服善晴川芳草句專場

姑蘇臺

歛怨爲臺等禍基卧薪餘憤誤蛾眉謀臣伏劍城真毀殘寇棲山志亦奇
操鍊水犀師益老酣歌壑谷起常遲終教色墨身無所商鑑長貽有國悲

洞庭秋月

湖面平千里中秋桂影舒晶光分物象灝氣叫龍魚軒樂繁音弭仙舟裂
管餘誰能跨鯨去紫府問盈虛

西山齋雪

西嶽幽燕鎮峻嶒幾萬峰六花埋百谷積縞了三冬光欲先晨白祥應未
臘鐘侍臣工體物徹賀九關重

哭具子雲

共署隸曹二紀前君方韶齒我中年驚看吏牘風生筆聳覩朝衣杏葉韞

榮落任遭元未定乘除理竟何偏西湖烟月賓朋散無復當筵挽醉顛
追書安恂之典艦契軀

朝家漕路東西異列站循江控水程萬斛餘艘輸不匱一年風汛伏無驚
帆檣束畔衙廳迥杯杓開邊眺望平好着鮫綃摹勝迹晚途交質寸心明

題捕魚圖四絕

花塢香風轉綠蘋江鄉挑起打魚人滿籃販得錢多少見說全家未苦貧
蓑笠兒孫鎮共航一生鮮食屬漁郎誰能自在如張陸征利從來到客商
楓岸維綃帶晚登水棚人散見張罾少年慣射游魚萬每夜船頭自照燈
荆吳勝事在江湖鱸膾隨方引舳艫頓食黃魚何用許滿船烏鬼養來雛

題小景屏

蝴蝶蜻蛉趁野葩更饒黃口啄田家驅飛不用墮珠彈付與烏圓搏齒牙
蒹葭新抽解籜枝清陰當塲席堪移猫來洗耳休相恠好客臨門報主知

清標元與月相宜不道仙衣却染緇憶得南鄉交臘候暗香江路透疎籬
雪後園林半樹欹晴天送月助水肌殘宵夢入羅浮觀鳥喚參橫掩不知
江南傍水掩衡茅練鵲多聲露竹梢樂意正關禽自得世間金石謾相敲
霜薄連山葉未零兩三寒鵲刷疎翎問渠報喜侵晨噪何似慈烏半夜聽

書花原正詩稿後

先朝聲樂所從來說到西湖揔俊才于老餘音尋譜遠湘靈高調撥絃回
未窮詣妙中年好已屬投荒盡室災遺墨忽看開卷面一遭吟罷一遭哀

追書伊川君 魂殿契軸

祠殿同隨 素仗移恪脩香火不愆儀聯璫密從 恩偏渥疏派天潢勢
壯基歲籥再更臨間月躋彝綬舉及惟時曾叨司冠頻陪祀撫徃傷心數
一時

步擁翠堂韻

沈公叔平以藕
退休韻索應

亭館連雲壓一方綠陰芳沼更新堂雅歌征虜情無倦日飲素絲策最良
銀燭鎮收三夜跋桃笙頓有九秋涼東陽經始眉山記屬和才慙襍線長
佩符豐沛撫遺民政貴移風速若神張子賀成歸善頌鄭莊邀客徧名人
暉揚寶婺知難老籌下桑田又幾春文駟兩邦來徃煒南中佳詠遠傳新
碁

琪樹蕊籠院落幽共將白黑鬪文楸已知決勝須饒路更覺防危要遠謀
敲子聲乾晴雹散盈盆勢過曉星流精思且置輸贏外長日惟消一兩籌
書

八法流形兩粟餘世間傳鈔動專車家鷄野鷺誰諧俗虎卧龍跳獨擅譽
心苦豈求工軀勢手肱還覺習消除何人不倦臨池興最賞誠懸筆諫書
太公釣魚

周命惟新商業顛岐陽興運屬三傳六州化被欣依日一灼龜從慶得賢

湖陰先生文集卷之五

亟置師尊崇號重又將芋土錫封全虛身造道今安有烟月長拋釣渭邊

雜記日錄

為寄佳筆小詩奉謝西湖老先生

今尚右相

東得雲間月兔毛興來揮灑屬吾曹紫薇花下栽仙詔不數江郎舊退毫

寄謝金生繡梅

金生趣造出塵埃購得人工幻小梅貽我齋居挑興緒西湖春信喚堪回
送公叔赴成川

函丈微言演魯儒又從松壤得分符固知妙割無論小誰道高才却近迂
平岫行雲霑翠幔柳堤殘雨送驪駒及瓜收最徵黃日始信扶搖有遠圖
送嘉仲赴忠州

淹屈鴻臚未稱情宏詞高選動公卿名標紅紙螭頭唱路直青雲脚底平
擬掌絲綸中禁密遽分符竹上游城宋朝耆宿安州縣不負平生所學行
試院春晴考校同昏花隔霧眩青紅掄縱欲窮沙石羅網還虞逸鵠鴻

夢裡朱衣潛點額
天門墨榜已收公
每思坐嘯皆君力
鸞枳令人嘆道東
失路爲農幾徃來
中原漁者任爭隈
琴臺擊汰舟頻挽
丹月聞鷄枕屢推
下榻難逢東道迺
收魂長被北書回
君恩儻許靈泉浴
樽俎猶堪得整陪

送昌邦赴全州

罷屬史院草得分
豐邑章政優言割
小詩苦謝生塘舊
學終思近新恩
會召忙此行非退
便努力報君王

弱歲真從後中年
衮在前轂中知幸
免毀裡不求全
草色連湖外鄉心
到鴈邊月煩書數
紙應任老夫傳

題甲辰赴燕契會圖

並命朝天值小春
燕山淹泊歲華新
晨聯一字趨嚴鼓
晚下三條漲軟塵
素服承凶群臨日
有輿和病過關辰
祗今謀久宜歸盡
張與諸君即面

真

奉和申參贊漢之見寄

百戰收功未伏魔，彩毫排與字橫斜。
金吾敲扑猶傳詠，應爲高才早患多。
人生著意便爲魔，日對懸崖怒瀑斜。
誇與湖翁殊未勝，一般塵土較誰多。
和申參贊漢之詠荷珠韻

有形未必真，無形反有聲。
雨假荷爲珠，竟虛實非盈。
騷翁強解事，挾句要理明。
冥觀齊物我，不如我無情。
風荷和雨聽，解作斷腸聲。
盤汞行難定，巖泉滴未盈。
葉齊鴛鴦觸，亂花鬧臉羞。
明體物能臻，妙翻然起我情。

題尹領相短屏

維揚譜裡新收品，謝眺詩中舊說紅。
揀得四枝誰備一，不妨最後有陳公。
牧丹

衛足傾陽如有思隨方名種不嫌多人情却是稀爲貴莫向花王妬共科
葵花

籠烟浥露何多態鷄幘鮮明赤玉光未要閒花相助發已饒閒蝶弄秋芳
鷄冠花

東籬逸艷宜霜後中正深黃擁白紅採滴長須汎鸚鵡餌仙何必數康風
菊花

送吉元學士差祭棘城

懷惡何堪更抱病又兼飛雪奪暄和國殤降必聊乘傳瘴海奉春莫泛
槎殺氣觸人噓霧重冤魂留血染花多弔亡才調知無讓爲作雄文敵李
華

回祿餘工起咄嗟跨空虛檻納明霞替屏蒼磴圍旁岸當郭青山擁萬家
已校天仙登眺慣正須名士品題加莫言物色分留少還有風懷動筆花

憶隨旌節過山城，飄盡梨花亂晚晴。
吏牒閑時鈴索靜，午風微處燕飛輕。
當吾倚柱尋詩地，想子趨庭學禮情。
舞彩歸來春未暮，佩壺相近好班荆。

題甲辰赴燕契會圖

佳氣葱龍象魏高，日華浮動翠雲袍。
曾叨鵷列貞初復，又見需恩饋四牢。
虎豹守嚴猶憤面，衣冠肩比不分曹。
恍疑天闕移方尺，最賞良工用意勞。
幽燕一路繞邊頭，高壘臨河白草秋。
獵火遠迷星彩動，胡笳迥帶角聲流。
殘雲北鎮撩鄉思，亂樹漁陽豁客眸。
憂繫杞天行李急，嚴程無處整東轡。
寒到襄平未解嚴，弊裘衝雪凍黏髯。
蕭蕭馬引歸心疾，鼎鼎春和閨候兼。
邏騎報平同失眠，近筵供具只拈鹽。
百年在莒毋忘意，消得停雲日夕瞻。

送彥禮年兄賀千秋

食藥心腸苦未除，清關如水往來疎。
鹿轡駕處多稱治，旌璽頒時屢貢譽。
思擢地官參國計，誠懸鶴禁奉邦書。
觀周不愧延陵識，回日奇聞定起予。

題名蓮榜聯行序食淡芹宮共助磨州載升沉薪幾積六旬遲暮髮俱皓
遠河漲潦停車軸薊樹飛靈撲帽羅老大分張無別語勉加餐飯慎經過
承華養德推名重諫掖陳謨識履聲環佩緩隨馳道月星河欲放午門晴
周章却認非生面眄睇方知是舊情若問當時陪儋耗爲言衰白殿諸卿
病寓東郭李相第有感

伏枕嬰鷺馬肆傍出城借榻李家莊朱門半倒生蒿遍碧甃全欹矢沼方
旅壁一燈明到曉病帷三雨潤侵牀笙歌慣接山公醉撫迹重來淚滿裳
將還城中書壁

卧病思幽曠有興抵郭東遣鋤庭草積來拂榻塵蒙水檻愁涼進風簾任
暑烘二旬桑下戀回首却成空

奉調安分

天賦靈樁壽從心轉悍堅斧斤防伐性方藥解迷仙不患河魚厄宜衆白

傳禪幾時開閣放携杖伴孤眠

六月二日移寓鄭右相佑第

六月二日夜初甲頃涼天氣似高秋松篁隱隱和城角蛙鼓時時雜漏籌
身寄孤舟搖兀兀耳疑轟澗聽颼颼江湖塵土終安在勞者空慙靜者流
籍甚吾宗相剛腸懾比肩尚餘東第在容遣病夫還日避回廊外涼分老
栢顛早來衾席爽清坐失沉緜

普濟院與友人納涼

避暑來東郭穿蕪過教場已衝風颯沓仍送雨淒涼樓迥通遐矚橋明透
夕陽年年脩此集休惱鬢毛蒼

奉調安分督和昨詩

快馭泠然返五旬何如嬰暑甑中人踏水赤脚思空切沉水秋菰語未真
投報只須青眼舊交游寧問白頭新宿逋欠償還餘債急逋詩筒莫自珍

琴妓上林春來訪

牛蟬初除睡思濃
伶來剛喜及高舂
橫琴下盡西樓月
卧病清風細入松
奉調安分

兩月愁霖未見晴
麥流寧護讀殘經
那知此日談天處
失飭同時遇震驚
栗樹

初來栗葉作檐陰
仰欠纖穿日歛侵
淹未浹旬金氣應
蟋蟀來噪伴清吟
題濟叟畫竹

解道墨君銷我愁
文蘓宗派到青丘
不緣筆力天機至
爭辨洪園滿目秋
凍屑埋山壓幾枝
頭頭搶地盡離披
剛能任折難回志
歲晚唯輸老子知
孤棹長侵楚岸移
脩竿奕葉兩猗猗
畫圖省識曾看面
坐我三湘夜雨時
朽老旁承澁勒枝
更和香帶受風披
妙存象外心能會
毫末推求格已卑
送宋子綏由左鴻臚赴滿浦

以紅抹額吾儒事一障於君豈足乘所貴折謀驚黠虜不須憑謀躡長水
黃榆鴈度書封繫青海鯨橫劍氣騰要識邊情爲奏地 聖心應擬及欣
徽

九月廿六日受假營葬舅氏于長湍過延曙驛亭

空簷雀噪日西頽別酒香騰睡甃開策蹇真成一措大樵兒爭道不驚猜
宿碧蹄館

五年拚告打前程庭砌頽東老屋傾暫借東廂還少寐回瞻北闕尚懸情
向時擁傳迎仙詔此日挑包學意行遠役何當粗償債湖邊僮更待歸耕
到臨津挈舟沂流用唐紫陽韻

潦縮潭光淨蘭橈向晚開樹圍粧缺岸山斷聳層臺江氣生疎雨濤聲殷
遠雷船官好看客結纜待吾來

西南天缺涉長流峽納潮頭駕小舟翠壁並江延矗矗黃蘆夾岸響颼颼

百年宿債懷消賞九月高風誤勝遊物色分留吾輩少唐仙於此更來不

長浦廢離宮

往日畋游洛表同至今行殿壓蛟宮石家鹵簿巾皆紫隋氏龍舟錦作蓬
松老尚含伶管奏楓酣擬駐妓裙紅長源臺串相鄰近今古荒亡一望中
九月晦日還到高浪浦開船至長浦觀離宮故址是行往回皆遭逆
風云

襄事新阡信宿回又乘高浪片帆開雲屏迤障橫岡日烟樹旁圍偃石臺
風色不能隨境好世途寧免入宮猜躋攀危磴尋遺址正覆前車使後衰
遙望江面石稜橫亘熟視乃群鴈也

浪花浮動日光茫帆被風驅下瀨忙鴈陣布江如項羽亂嗔舩逼起行行
向夕泊臨津有懷龔雲岡

引纜緣沙步縈篙艤石窠半生來往熟臨老感傷多正帶高卷景仍懷勝

侶過祇今盈卷什平處倒陰何

重過惠陰嶺有懷李安分

杳杳人行螳登登路轉山溜鳴谿石滑霜重碧蘿斑只益神傷役都無句
破堅通來才頓盡燕語待君刪

哭鄭上舍希儉

早識虛菴李攻書養性情明珠生老蚌清望有新聲壽比靈椿斬家當萬
戶羸升堂無復繼淚灑棘人行

題納灝堂

巖居元自出埃氛增飾猶看事斧斤眺望憑虛通廣漠軒窓帶濕入晨雲
衝波宿鷁開頭捷得雋寒沙絕叫聞祗與華堂留扁去異時經始俟雄文
天半笙歌起留連豁客愁俯臨山側展遐矚水分流懷賞乘桃漲來遊近
麥秋晚涼江樹暝烟雨送歸舟

題真休堂

主人元不仕強號是真休面勢臨郊迥風烟與目謀帆來投極浦沙遠抱
長流明日東華土翻成夢裡遊

明春又訪真休

前度秋風落重來麗日遲縱橫陂麥膩飄泊崖花飛強似尋巢燕翻慙曳
尾龜明朝城市縛還借片帆歸

題槐院長房契軸

蟾宮攀桂釋麻衣槐院分曹切禁闌勿諱泥塗逢吏侮須知霄漢展鵬飛
巖城漏下當宵直高閣陰移放夕歸可但深情期歲暮胥箴還勉佩弦韋

題秋官郎署契軸

秋臺郎選盡時髦望實俱隆簪九臯筆下判裁空雀鼠袖中朱墨懾姦豪
晚衙出郭拚高會遲日逢晴媚小桃莫謂官曹供玩愒聖心虛佇簡賢

勞

題太僕契軒

平原展眺極遙山
豐草晴沙繚曲灣
房驕分精龍種產
驪黃群逐錦文斑
湏知數對三千富
不較鳴空十二閑
盛世僕臣皆正士
肯辭箴闕喘威顏

送武伯出按嶺南

維南聞臬于今鉅
按使從來第一流
簡命九重恩布化
書香三世得分憂
發倉政急湏均哺
款微情浮要伐謀
解綬屏威何足問
德風期使遍遐

取

時正飢荒樓使請和故云

龍奏鸞臺席尚溫
離魂便逐出青門
火維星動南天盡
魏闕心懸北

極尊絃誦但教行
處盛簿書寧遣嘗
時喧詩篇餘事江
山助回日應湏細

討論

荅安分惠柿韻

百果方珍捻作奴隣兒窺實下成衢瑛盤乍混牛心炙赤水初探罔象珠
七絕定名康樂賦千頭收息橘林圖苞苴未解鑽權勢肯與衰翁本分愚
送權君瑩赴金海

祠祿叨來動十年南湖烟水阻歸船玄真宿債漁蓑在首露遺墟地勢偏
末路送人懷幾惡高才理劇手應便回風暮雨青門外憑寄鄉心逐杏韉
海月多情照綺筵思仙遺思八高弦清霄屢跋霞城燭劇飲頻傾藥玉船
應接固知恢敏政風流元不稱莘顛他時請告煩投轄爲賀繁雄似昔年

題蔡挺之山齋

強扶衰憊上華軒俯瞰闔閭目欲昏柳岸微風來少女毬塲細草怨王孫
老逢勝節難爲樂病寄閑曹愧竊恩及取殘花謀一醉城南何處有名園

壬寅二月旬有四日在隸曹逢大雪有作錄似安分先生

春半逢深雪偏知節候愆落南恒早暖和絮正漫天滅盡尋僧逕迷回訪
隱船祇今停判牘羔袖聳雙肩

送道原出按湖西

官聯玉署粃糠前二紀榮枯果孰偏賦鵬長沙君未悔歸耕窮海我猶便
夢中聚首頻燒蠟湖外觀風遽着鞭報政定知增峻秩尺書先爲賀鶯遷
送重吉赴靜州

盛朝要養詩書將輟從金華佩左符瀚海風雲隨策戟瀋遼疆界接方隅
西邊警備元家事北顧寬憂更廟謀萬里功成來報效始知書蠹我非夫
題申氏山水圖

亂嶂開仙洞殘臺倚石立逕微通白社潮急困黃頭小隱真餘債浮名未
放休眼明平遠趣依約鼎湖秋

振鷺跳巖瀑華鯨隱石門昔年楓岳去朋息正陽昏揮麈談彌勝挑灰火
尚溫祗今深省發疑聽雨翻盆

送李珣使君赴商州

卜得菟裘擬退休暮雲南望結鄉愁便分竹使行關路正趁蘋花滿洛洲
凋郡向來須老手徵書何日借增留漢朝治最多卿相好致烟霄鬢未

秋

已迫桑榆未辦休眉頭日日鎖閑愁倦飛憐我方尋樹小築多君正倚洲
澡浴但當三月暮御風安用五旬留聖門氣像嗟寒絕遺興于今嗣幾秋
送景明寅長出按黃海

隸曹書簿稱無訟西海咨詢慶得賢羸瘵本須醫國手江山應要命騷篇
棠花滿路迎雕節甘雨隨車潤甫田

時適大旱徵札及旂旌報政共瞻卿月旁

霄懸心

送守初寅長充奏聞朝 京

祥琴絕罷屬殊遷便策輜車僚薊燕能賦固知優潤色飲水寧復破憂煎
九關展對傾朝聽一札 俞音聳海堧排解向來須穎脫共將長計卜
行邊

題兵曹契會圖

裁罷軍書散晚衙鳴珂路熟傍江斜望中烟景通橫浦席次晴光綯爛霞
語笑憑虛霏玉屑篇章入手發天葩盛名直與西湖水一餉為歡未足誇
送應明寅長出按關東

諫掖青蒲絕罷奏關東雕鄧便分憂山田苦雨無禾麥磬室啼飢困斂求
荒政祗須紆 簡在璽書寧許久淹留老夫投分忘年事珍重緘情置速
郵

三日浦中移畫舫四仙亭上燦紗籠留連不遣殘更罷諧笑都忘百戰空

清磬微茫僧定出
踈星牢落曙光通
向來物色分留地
付與輜軒得討窮

送敬夫地主出宰昇平

高才妙割優爲政
纔釋中兵又佩符
捧檄海邦便省養
承顏紗幔足懽愉
碑傳八馬流芳遠
樓倚層霄掃地無
邑子倍深鸞枳歎
何時濁水照冰壺
向來造膝憂時語
鋤逕頻迎五馬過
甫里生涯消杞菊
武城風采足絃歌
驚心遠別雙埋釵
過眼流年一擲梭
鈴閣務閒裁好句
月煩三四問維摩
莫道銅章爲左宦
從來治最屬殊遷
清關不許蠶塵及
靈府都無俗慮牽
林橘嗅香成霧暗
秋花媚日奪春鮮
江南佳麗言難盡
爲作圖經與我傳

史院有懷錄奉安分

鎖斷重門靜不譁
眼迷朱墨日西斜
名參摠史三長乏
望屬諸公萬選加
苦雨暗萎蓮苑葉
秋陰猶護一欄花
自知備列終無補
只弊精神似算沙

奉和義牧金醇之惠韻

思君一日九腸回安得宜心若死灰關塞超超書附鴈園林漠漠雨黃梅
臨邊已喜官垂滿堆案多慚手未裁笑殺貧家無欲清遠勞厨子整治來
三年光景了西邊眼着昏花鬢颯然晚眺橫分城下水夜收顛倒筆端篇
虎頭燕頤便飛食經卷茶鐺愛坐禪准擬相逢歲云暮細傾家釀一燈前
阿郎從學有新功應念薇田爲墜蒙正要詩書能惜日莫將詞藻強雕虫
高秋畫角關山暮小榻蘭釭刻漏窮讀了五車方茂業不須弓釵繼家風
送金浩源充冬至副使朝燕

治最收功睿獎新便啣色氈賀中宸卯南候日乘餘景薊北生陽過小春
衆胥越臚賓遠价驚行瞻表聳長身早歸完命猶殘臍已占旋旋未十旬
西行知過幾名州除却箕城著勝游樓堞傾夷非舊日田廬蕩析不宜秋
登高莫倚偏能賦當食何人肯釋憂傳道主公勤補弊要思河內借恂留
同沈三宰孟容金判書叔藝沈叅議士容觀儀賓光川第池谷畫

湖陰先生文集卷之五

懷賞安生粉壁圖追隨寅老戒車徒林漓元氣歸毫墨指點真形在有無
砌草離離霜不殺檐陰肅肅鳥相呼正須誇與未來客領略都忘日已哺

書張序班四維詩卷

留候家世多聞士今見諸孫困小官吏隱不妨初為祿喬遷終未讓彈冠
兩遭修賀艱炊玉半面輸心愧襲蘭顧我枵然何所有枉求燕語豈堪看
海東燕北還雲樹千里尋盟保未寒引禮班行收最課置書鴻鴈報平安
繫腰黑綬寧嫌晚捧日丹心祗自寬能為遠臣添卷裡過之朝暮不應難
哭具彥善上舍

孰友凋零半不存餘生孤悶與誰論佳辰又值重逢九勝集那堪獨命樽
泉下聲容埋拱璧湖邊松桂鎖空園他年聞笛經過地投轄猶思井水渾
雜行魚鳥避塵喧釣石依然舊坐痕往勇生前堪遠辱遺安身後有深言
兒孫不遺書香遠里社猶懷杖屨尊回首江天烟霧裡少微星彩忽沉昏

鈍菴寄送杭州西湖圖雪擁南關圖商山四皓圖玉堂春曉梅花圖
索詠雜記一律博笑

藉甚名高禁巒親攻詩好畫見天真懸壺境界藏烟景積縞關山送逐臣
芝長逋翁堪傲世影疎徵士句爭春披圖日代清揚覲絕勝書中對古人

哭鄭卓卿都正

片泮差肩得友賢名途還愧粃糠前會傾洛社推年長業襲書香慶世傳
餐以一方踰五鼎宦窮三命少雙全竟孤吊送緣齋禁只把無從徹九泉
哭李伯益

縫掖聲名已動人摘髭科第歛通津一鳴翰苑諧簪筆萬選金華備講臣
何意時屯遭玷累遂成身蹇飽艱辛抱關佩綬猶顛躓樂道平生不諱貧
經筵詞鋒兩擅場更多師範振虞庠士經指授方成器學到鉤尋可補亡
無復幹兒聯宦業只留殘稿富篇章老夫垂鼻誰當斷散質雖存謾自傷

充儉西門共飲水妄推趨捷可先登敢言孤壘當勅敵只保輕兵聘異能
幸自奇功收白挺寧知巧舌困青蠅憶曾削迹歸耕日幽繫聞君亦撫膺
七旬持服衆知難天假堅頑免素冠方擬卜鄰情繾綣寧知自牖淚汎瀾
童烏撮行求幽誌通德開奩帛隻鸞却被長齋違含歛更孤埋壁爲縻官
韓孟情深忘序齒元劉契篤爲論文衆交馳處憐常殿世共喧時獨不聞
春郭趁芳謀酒事夜窓揮麈換鑪薰他年美景空懷賞滿目新知只憶君
哭朴昌邦

同升秀士中興初作賦名高首選書先批却逢揚簸後源泉還發蒲芻餘
共澆講舌宮壺艷聯步花塼午漏徐孤雛肯嫌言觸諱長齋常愛室生虛
拔根葵足吾傷手環極星躔子屬除冰蘖矢心孚衆望漁樵安命任交踈
還朝夢寐頻更燭遠別關河屢佩魚卧治不妨收閒閣引年寧使待懸車
正思舊學來裨補遂有新 恩動里閭椿壽遽窮仁未必鶴書空返士交

獻獨無絮酒供埋璧千里緘哀意未攄

送冥鴻曹億之寅老請告還鄉

矍鑠平生馬伏波壺頭驚墮更橫戈三邊節鎮都經制卧泣霜毛玩擲梭
徵書敦迫起鄉山重八修門盡好顏籌策正須資老鍊未容歸夢協連環
尚多精力夢熊羆文葆翻收釋氏兒誰道楊第枯未久欲張奇事播聲詩
孔李通家舊未渝只慙雄畧笑迂儒相逢說到安邊計不覺狂歌缺唾壺
殘臘寒威未解嚴弊貂衝雪動帷幃官曹未放青門餞忍凍題詩筆退尖
寒樹迢迢嶺嶠重到家剛及臘醅濃泗濱善謔來賓榻鎮日揮屏了下卷
魚鳥湖邊久亂行祇今光寵綰金章定知蕙帳無人管付與啼猿枉斷腸
川塗雖隔月同明春鴈來時好寄聲但得壽星長射彩仙槎應有問君平
送許彥寬宰三嘉

殘年心緒欲成灰除却君來口未開懷綬近鄉真快活逐名拋隱轉摧頽

鹿轡行部仍巡稼官閣尋詩已動梅湖嶺壤連存舊政雷封從此奠春臺
一牛鳴地我菟裘遍耜荒田歲少收山客久嘆空惠帳野翁應恠負漁舟
指除水激聲搖枕繞郭峰多爽入樓儻借 恩光諧畫錦擊鮮先爲就君
留

題樂山堂

懷賞華堂綠映中我來剛及歲將窮固知地勝因人勝可使樽空併客空
絳蠟繞燒街鼓動朱簾高捲夕烽紅謬當虛左慙非分權極唯思瓦雪融
彥規南仲登駱峯踏青見招

共上東岡踏綠蒿望中城闕勢爭高年光過眼催春事物色撩人動彩毫
遼海雄觀來鰈域漢川清賞落漁舫江湖性癖天同楮有興頻來破鬱陶
訪南仲路梁別墅

懷賞久嬰堆案簿登高偶值佩萸辰斧斤初斲收觀改樽俎交陳發興新

洲渚縱橫潮正退樹林搖落鴈群賓
明年小築分湖曲舫艫相遇不厭頻
題許司寇小屏四絕

沙岸多逢寺浮圖更十重南朝曾物色
看盡思偏濃雁引滄洲暝橋分野
岸秋江湖真滿地何處是菟裘列肆譙門外
春風酒幔高少年追俠騎花
下困香醪峰合疑無路崖開忽有城
山中餘瘦地歸去及春耕

題畫竹

澁勒橫鞭走翠岩
薜花斜迸玳簪挽憶隨僮父燒羹
餉歸去江南思莫緘
勁郎傳神自脫凡
令人醫俗謝朝衫
細看意態來湘岸
似聽寒聲八楚帆
永寧坊裡擘包函
寒具油痕認舊緘
寶惜如今京兆手
枉求燕語異酸臍

荅朴仲初見寄韻

時宰寧越

詩到吾曹守一規宣城才調動新奇
信書未害成乖刺恬進何曾怨棄遺
鈴掣擁紬尋睡後日亭鳴鼓放衙時
也知降任須增益洗眼天朝看羽儀

湖陰先生文集卷之五

交無早晚貴心知投老從君未覺遲
韻勝紫蘭岩下秀調高白雪郢中兒
百年遠業誰從付一跌卑官豈所期
顧我何人當哲匠推敲定處或堪師
少年曾訪使君家十日垂緡錦水涯
竹使分憂故老手詩筒披什絢明霞
秋晴鼓角吟霜迥春暖池塘夢草多
想見公餘頻拄笏碧雲愁望至昏鴉

寄南宮弼之

堪輿星曆揔探幽博識如君綜九流
寸稟棲遲堪吏隱一家經紀在牙籌
蟾光幾浴堂前月樹影常含簾上秋
頽恤經旬闕相訪曳裾何處事低頭

謝貸尾

小築西湖計未圖燕山行役誤前年
自知鳩拙營巢晚却要蝸黏上壁便
茅把不堪支積雨陶埏那得蔭脩椽
老來祇合爲衣坐敢望朱輪辱賀筵

書金吾郎契軒

若個江湖趣誰人管得殫官閑元少
縛俸乏亦謀歡晚計堪投分深盟許

軟盤遷騰他日思看畫想衣冠

送仲初按西海

燕山賀罷流虹郎西海分符問俗憂役不時踰寧憚遠身非我有敢謀休
雪殘關路衝徂景草怨王孫惹別愁了却澄清還赴召春風莫上見京樓

向來常竅在前批此去免遭爲後羞東閣舊牽何遜興西州今屬庾公樓
兩邦鴈足勤相繫千里詩筒可互投賸賦惱公成一集他年應任老夫收
送叔春赴西閩

諒帥儒臣聖慮深游魂已遁雪山陰輕裘緩帶收長筭說禮敦詩慰遠
心鄉夢鎮和哀柝斷角聲偏雜曉笳吟歌殘伐木懷人苦珍重裁書寄好
音

燕領封侯骨法尤果投逢掖着兜鍪邊虞到此知方棘民力何時始可休

勉訖外庸還付 召便承前席屬陳猷却慙書蠹終無補碌碌長懷謝事
謀

奉題尚左相雪景圖

先朝盡事論奇品衆史難居可度前象外肖真知思苦筆間描妙覺神全
風流未絕天機到揮灑還饒寶墨傳莫道官曹妨寓賞退公長對好山川
窮陰正屬司玄令大地翻成積縞圍翳谷高林看却辨尋村細逕認疑非
狂調飛走期來少病擁衾裯訪到稀物色故山移尺素望中先索舊柴扉

酬林石泉見寄韻

少時聲譽掩終嚴摘藻曾題昔昔益鳴玉整饒機事息扶犁先越土膏黏
十年久負烹河鯉駟馬今逢問里閭枉沐報章裁不得筆花應笑退江淹
萬事從前祇任天推敲未倦改詩聯持螯舊興生春酒捫蝨清談徹客羶
時序驚心侵冷節宮恩傳燭散青煙吾儕雅集皆蒼艾莫向殷兄訖少年

普濟院點軍

好雨連宵潤野田
川原高下綠芊緜
身拘舊宦仍多病
孤負春光又一年
病中悼亡

休日無旬鎮掩門
一窓明暗了朝昏
領原有感人何逝
荆樹無花我獨存
斫案壯心還自笑
廢書枯恨與誰論
憂時却任謀猷盛
老退唯思返灌園
守歲示子姪

六旬踰半又加籌
無奈勞生苦未休
赴壑蛇奔潛撫景
殷懃鍾動迫添愁
起須桃竹饒筋力
卧想鵷行拜冕旒
強強逐兒曹同守歲
明朝衰白鏡中羞

步韻荅尹上舍卓然

千首知君萬戶輕
偶逢華館賞春晴
祗今韻士多摘藻
幾博人前意氣傾
書檄垣契軸

高會多尋水石歸時清諫疏解言稀馬逢路上常來白吏立階前盡著緋
一詠未應陶興緒深憂選要燭幾微歆流聲實須徵載涑水文章足是非

哭金同知仁卿

童外追隨稷下群自多齒紀偶同君却慙竊吹登瀛選猶較爭名射策文
附驥晚塗分省署尚年高會樂朝曛豈知遐算慳稀袞旅櫬歸舟哭斷雲
哭申靈城

弱齡朋好幾人存又復承凶哭寢門耆舊祗今無質訂文章從古少淵源
儀朝偉器須山立餘事雄詞若水翻未正台衡淹散秩還騎箕尾返真元
翰垣嗣職慙才退學海窺深望道尊那更追陪尋水石駱峰牢落鎖空園
書繕修契軸

翼翼神都定鼎年朝宮經始與民先卑師夏禹容增損侈略蕭何壯後前
卜祚鎬豐光御極尊瞻象魏拱中天一宵告警災無古累寢成災咎

孰緣粵俗鎮糠拘舊染楚丘營築念先傳統逢罪已當興役已覺歡趨
耻息肩承事各思供夙夜程工何待勸違愆賈惟仍舊曾裁定制或踰
前動戒鑄僚宋在公霑賜酒輿徒按月受緡錢共知勿亟猶彈勸敢掠
虛名自獨賢冀葉七看衙裏換簷牙交啄霧中騫已饒輪奐形歌頌更演
絃綸鎮布宣百祿寔膺神與便兩宮重靚勢彌堅寅情胥勉期無替盛
事宜書遠可編修令置觴溪汎羽任眞弗坐草爲氈且輸永好歸圖畫其
奈官曹屬屢遷

哭李知樞裴仲

公壽八十九

當時勇退返鄉園病阻河橋悵別魂疏傳出都車百兩陶公入室酒盈尊
鍊真鶴骨餐芝秀侵老龜年嘯日嗽歆奉緒言論久視南天忽報壽星昏
森森蘭玉擁朱門鼎足聯倫駕鹿輜萬石尊年推孝謹三休高蹈脫鹿喧
從違世事心逾厲虛佇徵書語益溫絮酒無由衆執紼寄聲烏鳥助丘

原

送入按關東

含香薨輟端明講出郎絕從少府行溟海逶遲開熟路關山迢遞送遐征
雲飛已罷梁公望鮮擊何煩陸子烹料理君親無二致瓊樓高處亦寒生
交州燕絕少人烟民賦蕭條依阪田國計不虞傷旱澇使家何以拯顛連
仙山在望神徒往佳句當尋興未圓不待及荒方報政屬聞宣室正詳延

解兵曹戲書

中兵伴食度炎涼釋重今朝獨負陽奪我鳳池君莫嘆無官却勝有官忙

題畫

風振林巒與雨俱上方真觀插空無高人正據枯梧坐思在郊原水墨圖
晚起林盧積縞間江梅消息報柴關不知何許吟多思輸與騎驢忍凍還

三月下旬松岡邀余及退之伯高吉元登眺後麓

嘉招不分到襄翁表裡城闌眺望通騶御直凌重嶺上笙歌還放百花中
名遺峴首傳應遠詩到臨川語更工酬了一春猶有債莫教紅綠旋成空
送黃使君仲舉赴丹陽

十日春天九日陰逢君遷次話驚心驪駒明發青門外攀送何人悵別深
于今勞集在聞雷歷選周行得異才未信郡符湏國士百函填委待君
裁

曾奉晨昏四紀餘經行巨扁聳樓居巖巒顧眄增神彩起廢奇功竢筆書
問訊高人退急流才聞世事更回頭詳延側席思嘉論只恐機心舞海鷗
老竊虛名廁翰垣何郎乳媪猥居尊長思釋重輪能手進退終慙類觸藩
書軍籍郎廳契軸

籍兵寢舉垂三紀壓以台衡始解芴寮案選材兼望實文移屬校釐朝曛

姦逋眩亂心能了朱墨紛綸眼自分要識恪勤成簿在更湏圖迹貴來雲

李安岳挽 有慶

王謝門闌蘭玉富君生孺染自加人夙遭家難安林下晚佩魚符宰海濱
政簡科條翻奏最疾嬰沉痾未還身定知民洩遮留思遺愛刊碑姓字新

書銀臺契軸

龍喉高選衆知難戕葵分曹視六官鷄樹春深同賜履鳳池波暖共彈冠
掣殘鈴索眠猶警草罷綸書筆未乾醉盡黃封留勝迹晚塗交質寸心丹

書戰船契軸

列障南邊控百蠻防虞制勝叱石艱舩機不數楊公捷江勢何如震澤寬
黃帽叫時傳峻令青旗擲處失前山已知鼠寇無全目更戒賓僚縱賞還

書經筵官 賜宴圖

抱埴緩步通青光 恩惹需雲答郎良揔是時須廊廟器況兼 宸簡姓

名香窮懽繼燭明星爛躍馬侵巡綺陌長却被耆英叨預席祗今圖上負聯芳

送人撻戎南道

小范胸藏十萬兵一方奠枕得長城承家專閫于今少抹額尊朝自昔傾
雪到戟枝欺酒力笛從譙上送邊聲外庸未訖徵書急峻擢先收朔北名
書癸丑年契軸

昂藏共作地行仙算老重經癸丑年官有卑高尊齒長飲無多少任天全
臚輩未必勝鮭菜嘯詠猶堪替綰紱真率家風柯不遠聚蛟何許肆瓊筵
初度劇飲翌朝奉和退之宗伯

街鼓鑿鑿報漏殘驂騑騰躍戒歸鞍酒因有力留人久座爲添春集序寒
老去功名三舍退病來腰帶一分寬不應逃席如黃令正坐吾衰不盡歡
久竊永啣未盡清廷澄勝侶最知榮省曹任大歸時論潤色官專媿物情

憂喜算來均夢事市朝看了掩閑爭尊前說到江湖樂欲數還須僕屢更

書諫院契軸

官曹元不若塵機解道時清諫疏稀鎮伏青蒲彈鯁論長乘白馬犯顏
威鳥鳴春澗時光晚花積靈壇谷徑微縱賞無多繩檢在明朝街裡引朱
衣

書平安諸官迎詔圖

西門一路拱 皇都丹震邦家 帝渥殊候迓封疆冠履盛張去聲供筵宴
物儀俱花摧絳蠟交闌夜弩負黃塵共載途摹跡紋綃期永好何如朝
闕學喬臯

哭任三宰士經

共隨衿佩徹晡晨問學當時報日新糠粃在前宜受簸芝蘭入室轉須親
鵬程倏展飛騰勢鸞掖翻爲勸講臣觸諱不嫌頻去國明農何害暨收身

賜環舊秩 恩何渥縱乾亨衢進未迤槐棘贊謨長慮在厦擅驚聽謠言
陳班隣冢宰雖難轉望擬台階亦可珍得失任遭能若命死生常理等歸
真絕并自牖方興嘆遽屬拖紳祗隔旬日月云亡朋舊幾公哀私悼兩沾
巾

惜春作蝶戀花一闕錄奉松岡

春序忙忙如過鳥 萬點紅飄攪亂人多少 只遣狂風驚樹杪 園林
暗換清陰遶

勝賞由來天所惱 我輩登臨安得隨時了 獨掩簾帷情悄悄 彩毫

夢斷啼鶯曉

松岡見和復疊前韻

無奈盡情花裡鳥 啼送閒愁意緒春偏少 把玩流光還屬抄 香翰
放輾青無遠

試看羅衣翻懊惱
賸得東陽幾許腰圍了
默算浮生都悄悄
曲欄倚遍清鍾曉

效點絳脣錄奉松岡

深院蕭蕭紅稀綠暗俱無奈
晚來羸卧高柳鶯相和
想見山居無事詩爲課
堪傳播願書崖左
勿使游塵浣

牡丹盛開戲效玉樓春呈松岡

風日清和酣晚霽
深院裡異花開砌
嬌癡國色媚丹霞
裊積仙裙籠翠袂

賦擬元興補絕世
詞進清平還鬪嬖
誰能錦繡蘊心腸
摘藻與渠爭

組麗

效水調歌頭呈松岡

春事已無迹
撫景但成嗟
豈堪風雨時節
憂月更無花
欲逐千場拚

醉其奈心裏面改不復逞豪誇 日日淪新茗無酒任多茶

謝池草江夢筆思難加 與君試討畦逕爭得縱天葩 非久收身歸去

孰有泥行牽挽晚計在漁家 肯羨玄真子孤艇弄烟沙

夜酌示養叔

聲澁歌喉罷綠琴祗宜清坐伴君吟昔年鴈令堪徵舊不怕金吾警夜深
成虧於世等昭琴得便應須把酒吟何許聚蚊羅釘鉅爭如鮭菜味尤深
目送飛鴻膝撫琴長懷中散播遺吟與君相遇諧音處山自高高水自深
萬卷堆書一匣琴白頭棲息費孤吟孰持鑰匙開閤鍵相對忘言趣造深
屋煤蛛網遍橫琴蕙帳歌空怨鶴吟祠祿絆身歸意折湖田何日伴耕深
擬將圓月照雙琴風雨無端檜頂吟不待藏山留客坐井中投轄不須深
君才雋甚可排琴歸鳳求凰便學吟只欠修眉橫瑣碧酒壚知在巷中深
林浪簷溜和鳴琴縞帶兼金互放吟此樂令人足忘老與君投分覺偏深

別鶴離鸞共寫琴思量聚散足悲吟一生書蠹終何補羨子韜鈴用意深
不傳揮翰不停琴十首詩成百遍吟莫道老夫才思蹟嚴詩編杜興還深

元日書事寄石川

補外

曉鍾終定便春生晴日淒風拂帽輕雙闕耽耽增氣象通衢隱隱散公卿
撫身又喜逢新歲閱老多慚篤舊情爲問會稽能入手蕙蘭騷思動江城

東莊晚眺

日出遙山散水簾真成百里見毫纖江鄉廣大塵間窄莫待熊魚得兩兼
東華咫尺隔雲林小築初成境轉深已辨餘生棲息地明年耕釣不孤心
同松江避暑鄭濯之水軒索題甚奇塞以一絕

松蘿溪聲方度曲酒兼水怨更澆喉城中無地逃蒸溽瓊重山翁借石樓

東臯言志

夙駕都門外天星尚未踈馬諳樵客路林黑野人居年至宜休事官閒略

簡書東臯耕瘦壤捨此復焉如

晴楚窮遐眺平沙繞近墟歌謳農牧競揭厲往來徐漸識江湖樂都忘宦業疎餘生渾得懶何處曳長裾

題世年契軸

同榜情深敦夙昔寧知趾美復諸郎九衢一字趨朝早出郭消愁着勝忙松影落茵交履舄烟波滿眼送帆樯浮生聚散那堪玩留與襟期照不忘人日有感

新正涉七氣融怡庭院沉沉散雨絲池面流澌餘幾片瓦溝殘雪已多時雕金絢勝宮恩遠衰髮如蓬宦業遲不管鶯花慙候見明朝宜穀賦晴詩哭趙三宰季任

稔聞才學聳儒林糠粃居前愧實深科甲收名推極選講筵歸論進良箴貫穿百氏臻該洽愛惜三餘號癖淫文襲漢模追逸步詩宗唐律振希音

清關裁入辭騶直素業從真擁布衿秋月瑩壺無點翳澄泓委鏡絕塵侵
久司邦計常憂匱對東銓衡互失心辨奏國誣嗟未白通官台席亦云
沉翻思西路聯鑣往復想南岡把臂臨吟到詩餘何損艷情如藏本未忘
尋當君自牖方興嘆屬我述虛困鏤金厚夜莫晨旋作古逝波難返重傷
今他年偏感山陽笛此日俱亡子敬琴執紼義虧空伏枕潺湲淚迸獨沾
襟

哭沈領相孟容

忝同年紀又同寅義分平生莫最珍黃閣崇深懸位序白頭披豁轉情親
門闌貴極心逾下策慮輸多見獨真鎮鎖廳扉迎客少曾培蘭畹茁芳新
雲臺肖像方歸仰冥府籠紗不屬人棟撓山摧將孰庇百寮霑灑柳車塵
聞讎有感

鉦鑼鼓篋殷坊廛斷送人間戊午年災疾聽來渾去體衾裯擁得好酣眠

年華把玩知難駐詩律安排未必傳明發有懷還不寐此心爭似石頑然
人曰

新年意象屬豐盈入日仍無穀日晴說到東方雖玩世解言所主物皆成
八月初吉宿中隱堂

出郭蕭條討我曾斧斤初斷退堪憑已拋素蔓菰區淨欲割黃雲穡事登
病葉受風疑曉雨疎星垂野混漁燈明年請老收朝迹車馬敲門謝友朋
臯莊言志

傲事西疇樂事饒意行陂隴點春苗晴舒鴈陣來江浦暖動漁罾過野橋
筋力要人存晚計行藏隨分謝熙朝東華咫尺衡門在陶遣殘生任寂寥
解兵曹叙懷

官是非生地身還本分閑翟門賓謝謁素卧雪侵關試把拋書整頻拈舊
鏡看已知違世用何日便歸山

春謝太常安大寶饋母酒

一半春銷伏枕中小桃剛及禁烟紅
醅頭餘瀝堪澆渴同病君能問禿翁
村莊即事

風輕雲淡曠秋晴
節物崢嶸萬寶成
露冷陂田香稻熟
水傾梁筍婢魚盈
閑耽野味終違俗
靜勝塵喧正適情
算得世途憂畏重
不妨中隱送殘生
復疊前韻錄奉大寶

賢聖從今付一中
書帷不復夢春紅
糟丘儻就吾將老
醒醉誰論澤畔翁
元夕寄人

赴壑蛇奔寧受繫
下灘舩急更容牽
半生榮落輸難老
一歲光陰鬪不眠
方岳馳聲符宿望
漁樵歸計入新年
神交未礪關山阻
五夜青燈兩惘然
冰泉亭用申大用韻

心灰老去歛游兵
免被機關忤物情
小隱寬閑頭已白
相逢逆旅眼猶青

山居八詠言難了幽事撩人意盡傾只愧衰翁囊底竭強題何以稱亭名
初赴耆老宴

鴻臚庭宇敞中堂耆宿張筵屬羽觴嫩綠拂簷粧媚景輕陰障日送微涼
先賢結社知難及暮齒逢歡問幾場此會唯須各長健世間榮落草思量

先朝耆臣皆結白
蓮社念佛祝壽

內集示兩兒

長繩那得絆斜暉心賞無憑撫景違高葉暗巢鶯獨語殘花棲圃蝶雙飛
兒孫滿眼承懽謔歌吹驚隣綯舞衣但使百年身却健東臯耕釣足忘機
題入伽倻琴

五十絃曾清廟減于仙又減意何居蘭橈夜泝三叉月山海遺聲舞壑魚
高絃暗動樑塵起拋却纏頭幾束綾鄭瞽變聲危壯偉橫跑鐵馬響春冰
送安君晦還湖南幙府

幾共山公把酒杯金吾不問玉山頽祗今眉宇諸郎在東閣頻開許往來
半生榮落略相同起廢歸來兩禿翁所喜遷騰輸幙畫承明宣室望還隆
一自蠻塵拂召棠橐鞶偏屬使家裝頻年獻馘樓船將不賞邊功策最良
廣灘春浪漲桃花聯騎晴沙渚徑斜晚上高亭逢劇飲夜深籠燭導歸賒
炎埃滿路短長亭隨處樓臺避鬱蒸未害嬌嬈同枕席肌膚玉雪冷於冰

晚眺有感

無堪世事聽嘈嘈却向郊扉得息勞遠水依微林外見閒雲碑兀日邊高
忘名自任人爭席効利誰教我拔毛一覽風烟通莽蒼每回詩膽覺增豪

送子任赴陟州

嶺海吾曾遍使輶君乘畫鹿興偏饒春潭玉偃游鱗動夜榻金鼓亂竹搖
靜勝未容心境擾政成留與口碑謠觀魚意足濠梁喻何日談天麀裡消
少日心知伯季間晚塗交惱鬢毛斑入群海鳥忘機易竊食官曹報效艱

別後裁書何處達秋來見月幾回彎黃堂揮牒哦詩了拄笏唯須看遠山
九分頭白到衰年尚縛塵嬰未解懸喪勇偷倉慙殿後凝香燕寢讓鞭先
卷糧不假粉鄉徃列鼎煩澆宿草邊嚴召祇催增秩返上東門外待登
仙

東莊言志

懶進朝參月再更絕無親舊款柴荆眼花幾片空中散髮雪千莖鏡裡驚
報效訐謨嗟老退棲遲丘壑有心情憐君同病勤相問半月郊原一再行
因釋慧遠行寄贈申祥原漢

秋陰熟路杖鞋輕勞遣沙彌遠告行賞到迦西精恠衆羅穿來起病心情
日哦佳句對泉聲山鳥忘機近不驚莫恠明廷嚴召晚江湖曾滯謝宣
城

六月旬有三日大風以雨入夜遂霽明日早起用進退格紀所見

土囊初覺蓬蓬起，巨象壓山怒轉雄。
拔倒壇邊松百尺，捲空村裡屋三重。
乍披繡絮思回煖，盡裂蘆簾任撲櫳。
抵曉無聲朝日亮，遙岑掃黛淡還濃。
寄養叔同游重興

瘦盡腰圍帶眼移，邇來多病廢吟詩。
堂堂憂減三春序，種種愁添兩鬢絲。
舉白屬君談世事，擎蒼憐我強心衰。
唯應共理臨川屐，始及山花未謝時。
效秦淮海桃源憶故入小詞

韶華如客暗中換，忙序令人堪惋。
無賴百花撩亂，萬點隨風散。
空閨鎖別深羅幔，音斷玉關春半。
鶯燕不來誰伴，自倚瑤笙按。

書桃源畫

漁郎初不爲尋真，始信仙凡不隔塵。
偶泝溪流縈小楫，忽逢花片漏殘春。
未猜物色勤鷄黍，與話興亡了漢秦。
誤動歸心寧再到，青山無路但嶙峋。
哭安左相

遍敷華劇望俱隆三事超登簡
聖聰文武兩優無與揀謨猷動合不言
功清關斥謁常裁八遠略行邊可即戎
蚤詣岐黃兼攝養豈知遐算遽終
窮

昔年南警漲烟塵一夕邊烽徹
紫宸戎備相機輸妙思兵家收勝動驚
人事當酬酢言無安理到淵微見獨真
冥漠盡拋憂國念異時長慮更誰
陳

釋悶

聖念矜群枉微誠徹九關居然成
穆獨敢甫作虞繇北闕催班絕東臯撫
跡頑平生榮啓樂到老破天慳

早起紀懷

不向東華理笏袍餘生准擬老蓬蒿
畸人未害同疣贅供世知難學桔槔
曙色閣烟開遠岫鴈聲和月落空壕
明朝却欲歸城市書卷輕齋打幾遭

浩陽先生文集卷之五

紀懷

四落階實魄又盈悄無車馬閉柴荆詩書舊業拋難起場圃新功策未成
雨氣壓霞山忽暝川華受月夜猶明思量不復勞心事身世端宜付釣耕
村況

連旬愆澤傾村望一雨濡乾報歲登斐亶晨光鮮隔動晶熒暮色遠流渟
為農幸免隨勞力謝事終須佚老形叨食太官謀口業何如炊麥煮潛腥
六月十四夜見月

初看返景薄虞淵已覺纖阿影射天縱有微雲傷皎潔却無陰翳郭嬋娟
衰羸自作吳牛喘俊逸誰當謝賦傳喚取昭華三弄罷幾時香桂逞團圓
病起

蹇甚平原樓上笑衰加杜老鏡中憐東臯杖植堪舒嘯西塞波肥好放船
九十日春銷病裏兩三場醉及花前已拚身不紆簪組來往風塵亦散仙

申知事潤甫挽

敏慧優詞翰賢科占一名東西銓亞掌金穀綜元卿鼎屬三孤望寧知二
豎嬰撫亡傾夙夜河況罄深情

箭郊晚眺示同遊寅老

馬祖壇西弓五百高尋峯頂共傳危重湖野外平鋪帶列岫天邊競掃眉
勝賞幾拋佳月夜中病辛減妬花時莫言異境終藏秘猶遣山公倒接羅
控野長汀晴更白藏村密樹遠逾青天饒草水開沙苑地用驂騑應駟星
膾斫銀絲餐未了炙燂文雉筋無停飽霑僕隸還餘啄不數屠門大嚼經
真成五月貂裘念催索重縣避夕涼報效自嗟孤壯歲衰遲無復答恩
尤逢場且盡婆娑興謝事猶容漫浪狂歸卧空齋生妄想管絃疑向耳邊
張

詠諧五絕

法陰先生文集卷之五

渴雨郊原還暴漲縱橫白水稻畦間未湏料理無兼備聊爲昏眸得快看
侵晨婦子行蔬圃瓜蔓離披水半篙無地易炊粳籠泣始知屠販勝渠勞
代耕五十餘光景致政翻爲食力謀瘦地不毛仍旱澇天窮難道更誰尤
湖莊收麥逢淫潦競帶苓簪得雋諱老去八餐唯鹿角任他兼味遠難賒
東華只隔牛鳴地朝請無由逕鷺班休日已多猶 賜告久叨優廩竟何
頌

送朴僉使赴滿浦 啓賢

一麾凋郡惠方敷乘障還紆簡擢殊投筆封候應宿業及茲 微札亦時
須胡山擁作重江阻塞月平分兩地孤努力委身輸報效廟廊從此是亨

衛

受告浴疾言志

禦濕將收操浴功一春坐痺在城中九分頭白慚憂國三折臂成幸息躬

麥已條塲羸野餉苗曾分壠沒鳬翁西疇不與東華接歌詠猶堪頌章豐

效踏莎行調

過眼飛花可入新綠 成功欲去趁功續 不堪孤悶餞春華 酒和愁
陣嬰心曲 綉幙笙歌金堤蕩俠 屬懽未覺年光促 豪家豈久得春
徧 不如顏巷常知足

步黃柳下示韻

壯事時難得浮名手屢揮本圖魚極樂翻愧鳥知歸齒髮隨年改心期撫
事遠却怜君子姪最悵惜春暉

且從身隕獲休灑淚汎瀾萬卷收功易三遷得路難艱危常起泰悲幽動
生歡詩裏多逋債逢君筆恐乾

暮春旬有九日內集家園書五絕示兒輩

病裡春殘已莫回姚黃開趁主人來對花不飲春應笑分付兒童領百杯

春陰漠漠鎖亭臯開盡細桃與碧桃不用臨軒撻畫鼓亂花如雪出牆高
中疴未減氣低垂霜雪無端換鬢絲錯道高年稀七十人生大耋未爲衰
風臺雨殿兩多姿品格人間孰並夷開落未容旬日貸令人愛惜立多時
荒山野水繞漁磯倚杖歸遲雨蒲衣軒蓋日交歌吹地絕無題牘到荆扉
哭張河原子房

昔吐洪鍾身九尺堂堂意氣聳人看標名虎榜初非偶展略榆關老益殫
五撻雄藩心轉小獨收常勝衆知難矢穿七札推勅健射落雙鵬賀叫謹
征虜歌壺無倦費安西風望屬登壇暮途優秩從移局夙歲常升亦耐官
履道開筵聯耆耄洛城修會儼衣冠從君幾趁花殘日訪我多乘雪後寒
雋味南烹供大嚼新聲北里聽窮懽豈知駒過明隨眊無奈鍾鳴漏復殘
綏謝郊游疑未釋遽承凶訃鼻先酸精靈未肯忘思効應爲三邊助屏翰

一卧徂冬復暮春衣冠強學趁朝人猥支祠祿官非小叨忝宮恩酒亦醇
入殿微風低燕羽倚城新綠護鶯身歸來喜得東臯雨麥壠蔬畦正及辰
己未除夜示子侄

十年羸病卧漳濱門外紛紛掉臂人殘雪冷烟拋舊歲綠幡華髮入新春
歸耕未阻東臯遠致政無勞北闕陳灾疾暗隨更漏盡起拈桃竹捷如神
哭權判書繼祖

憶從先府講葭莩始識郎君骨法殊趾美家傳成豹變流聲朝著展鵬圖
豈知綜密司金穀未究收儲到兩銖待積幾時邦計羨起分無路但黃壚
新笛成試捻戲書

截得柯亭管裁爲紫鳳聲落梅三弄罷腸斷暮江城煙波洞庭岸霜月
岳陽樓裂石聲何在仙舟杳十洲秋深上陽夜妙思按霓裳何物開心
孔偷將曲遠揚

與人夜飲

夙昔篇多紀歲時于今衰懶闕尋詩相逢轉覺情難盡校舊還驚力已疲
細酌且從三夜艾高官不恨十年遲微書正起丘園老聚到翹材報我

知

書李醴泉愿雙障

金襴畫

滄洲暮雨荻花秋魚稻方為雁鶩謀柔櫓幾驚沙際宿故山風物入毫頭
心期禽鳥思難休眼到文書見却愁賴有江山收郭子高張隨處即真游

春盡日郊行

韶光忽忽已無聊晚動肩輿出郭遙遠近霞蒸桃媚臉微茫青逗麥齊腰
百年身在憂端繞四序春偏樂事饒宦業乖疎難自了此生歸計在簞瓢

奉題沈右相小景短屏六絕

隱約樓臺烟雨中塔鈴聲到亂帆風當時老宿迎蘿逕目擊何曾點色空

野竹橫通亂樹陰
漁村路熟客曾諳
能饒若箇爲吾有
湖海平生不負心
青山斷處擁譙門
便有壚頭酒幌翻
晚出闌闌爭喚渡
落帆要趁月黃昏
岩窵殿宇拱危峰
隔斷塵寰幾萬重
却憶吾鄉禪觀夜
五更深省發晨鍾
長虹偃屈卧波心
來往憧憧殷足音
不是三吳爭有此
太湖從古擅深沉
積縞埋山路不開
瓊臺石室挿崔嵬
推敲思在飢驢上
何似僧房撥芋灰
哭鄭太常德老

吾宗器業自休休
末路喬遷望實優
淹雅試膺三禮典
超騰却在九卿頭
令窮遽到酬遲暮
無奈浮生劇贅疣
撫櫬已深公議惜
親朋何況送歸舟
牡丹將謝步義山韻二首

新送芳菲九十春
寧知國艷更驚人
晨粧試靚吟看久
夜燭憂殘點檢頻
造物縱能專韻格
香魂未免委泥塵
穠華斥去韓中令
正坐心情不逐新
泣亭堂堂不可追
老來與物寡心期
五更風雨聽來橫
滿地烟花踏過知

無計護欄張錦障只銷愁坐下書帷封姨不到沉香北紅氍毹他第一枝
辛酉後五月旬有三日沈三宰彥之邀諸耆老設譙于麻浦別墅明
日謾錄

五人三百四十歲尚齒筵開五月涼白髮蒼顏雖老醜聚觀猶得聳江鄉
江路迂回雨蒲蓼肩輿驚破幾陵坡未移談次晴霓射棧謝天公見餉多
沿涯擬泝午潮頭亭上綏拚半日留安得身如西塞叟不閑風雨放輕舟
晦老生來酒戶寬平康舊興未全闌仁公剛制霑唇止恠底當懽不盡歡
載將歌吹並江潯商船桅檣束鄧林逃席鼓辭深酌屬歸途回首日平沉
苦雨書事

一雨侵尋過二旬翻成極備誤窮民乍停南畝鋤耰力復斷東川揭厲人
慰到衣篝穿未健滋生書蠹拂還新隣翁競帶苓齋去打送纖鱗及費晨
病不作重陽示兒曹

老怯登高四望寬聊脩小飲寓微懽撫身多病將辭祿歷宦無功已倒冠
短日却麾翻作暝淺山欺賞亦生寒菊英萊糝年年事算老從今定幾看

寄題夢賁亭

吉元所扁

仲容襟韻本清真況卜游心得漢濱望極岡巒爭自獻俯臨洲渚鎮橫陳
朝回不倦下賓榻飲罷寧論倒葛巾共道江臯專物色邇來佳句動驚人

新歲言志

長告曾從伏枕時兩遭灾疾掩憂危一身在世誰非寓萬死逢春自足悲
農事正須侵雪早山門猶未廢行遲今年祗較去年老扶杖隨人不道衰
哭蘇退休

同書桂籍逼旬周枯槁餘生各自謀我正偷倉湏口業君先請老得歸休
鄉音縱未分形遠世故難禁兩地愁無奈南天星彩晦盡情霑灑淚河流
平生望寶服兼懷早接空疎愧不侔詩到雅深堪諷詠書宗遁嬾獨推求

宦躋貳極曾非小齒近耆年遽若休縻職無由繫執紼百年難刷故人羞
東郊秋夕

紛紛負戴上山勞糗餌芬芳雜酒醪風擺紙錢飛蛟蝶雨淋翁仲翳蓬蒿
北邙樹老無回鶴南渡舟行失刻刀墟里茫茫歌哭殷玩生多感莫憑高
新歲言志

下邳船行有底忙回頭已失去年光算來齒紀隨星轉留得筇枝爲手將
仙躋躋班違伏枕獸尊稱壽阻聯行十常八九乖人意何似泥中曳尾藏
送李仲悟尹完山

夙夜相推意氣傾參銓至再轉公明士無抱屈皆思效班有連如競惜名
整乞尹茲爲養地仍將適彼慰民情一家五福今誰備姊妹團圓復弟兄
殘雪含滋掀宿草春泥滿眼路遙迤輝騰寶婺延舒景政速移風管早衙
一代宰藩分陝重百年釐寄簡賢多定知治狀升聞屢增秋徵黃白龍

嘉

春風揆律放燈餘賓館同迎使者車
丹到青宮端國本恩頒紫極煥
綸書懷瞻競道儀觀肅候送堆消步履徐却憶當時無闕事祇今尋舊
有雙魚

戲示柳生

兩作千林大迫春杏花如雪壓城闌
自綠衰疾難為節誰道花時不補貧
又示柳生

驚人喙三尺汲古綆千尋尊老嬰吳思鄉遙動越吟神交通化劍流俗駭
祥金珎重來禽帖閑時許共臨

中宗大王遷陵挽詞

簪筆當時備從官講筵無日不金鑾
傾壺漏箭恒三下遲景宮槐側幾
竿致詣皇王談未倦說祛糟粕聽來完
尋常法座瞻天半咫尺榮光通

日端却愧孤踪非國器還叨寵擢極儒冠御書杳杳燕臺遠淹旬蕭蕭易
水寒祀國天摧號道路 龍胡攀斷淚沆瀾 園陵占位營初就 御

氣騰空尊久安金粟堆邊攢拱樹白雲鄉裡控翔鸞因山未浹因心孝隆
禮何拘改禮難龜叶新原恢面勢 神遊先壤徹愉懽不違天意諧群意
無替前觀永後觀羽衛悠揚收霧雨川途第迺送晴乾微臣報效身先許
舊事思量鼻自酸回首 玄都無十里鼎鑪山重配天看

春暮感事

好雨彌旬兩月中定平無備策農功西南草繞竿眠綠高下花敷蓓蕾紅
上已錫 恩霑宴屢冷烟佳 鄭感時同舞雩遺興冠童在春報將來浴後
風

暮春初四大雪紀所見

雪乘三兩更飈風清曉巖崖積縞中序奪燠寒愆化運時丁力作誤田公羽

爐頭燭火重噓焰架上拋裘返策功理到玄微思不得擁衿癡坐日曛曉
錢春五律效香山

雲容有時翻送雨風顛無處不驚塵街泥未放探春騎野渡猶多病少人
幾許旗亭迎俠少一天豪吹動城闌少年狂興依然在夢去看花九陌是
黃昏風雨共颺颺九十韶華忽盡頭花謝覓春同話切酒闌徂夜但聞愁
未應歲序常推勉自是天機有逃留明日殘鶯來喚遣病夫無處繫離憂
誰言永夜敵年光百刻支分晝倍長嫩葉弱杯鶯獨語輕泥歸燕燕忙忙
生灰試罷身安吉小睡闌時酒在亡饒我暮途懷臥卧白頭何處更迷方
陂水澄明鏡一奩和風拂面帽平簷意行觀物寧知倦食力安生好養性
蜂房委花來晚場雨扶新綠入疎簾一春所得能多少撫枕昏昏謔思甜
燒痕回綠草芬菲感物三年制淚揮陂水靜涵天一片岸花紛拂鳥群飛
忙忙真近交長夏故故催功獻熟衣請老舊山行不得滿林櫻筍待人歸

鄭副正景虛挽

故家群從皆蘭玉數到於君指未伸
治最七符宜受獎班第九列汜收身
委心絮酒無千里撫事傷悲有六親
回首墓田新壠下誰論宿草不沾巾
記見示兒曹

丹篆黃花舞朔風
凋戈鐵馬騁難窮
衰年壯觀能逢此
日日郊原望即通
秋夜憶湖陰

律當端正魄當盈
向老逢辰百感生
萬里瑤田同受彩
三年都厠未忘情
松蘿夢斷孤禽叫
江閣風高一笛橫
誰識漁樵懷孟野
狂歌歲晚不歸耕

湖陰先生文集卷之六

拾遺錄

示柳生

忽忽春盡悠悠計轉空
避人深巷裏聽雨困眠中
殘篆紫烟縷堆書拂
蠹虫未應逢雀厄
誰許進詩功
迢遞江關夢微茫釣舸風爲憐
那更驚
隱會堪終謾擬陶冠掛猶虞阮轍窮
同聲復同調只有漢濱翁

寄李安分

小雨侵晨霽鳴鳩在樹間
賸收花事早偏送直衿寒
衣袂聯登自悠路獨
抱關除非同病客何處遣心寬

不辭泥小清明放陌頭乾
玄晏生多病梅仙早棄官
若教隨世好誰肯食
吾殘夢裡流清洛同君把釣竿

復疊前韻

又從夫子後朝籍其間騎驢寧知懼吹簫未覺寒見螢逾路指雲
暮關僅有將心地猶多一榻寬
學古強機淺爲文惜筆乾屢拋彭澤米頻謝長公冠怕坐看花發
燭殘力貧修小飲誰執拒歡竿

酬漢濱見寄

弘景神武與公賦遂初欲辭偷崔廩先草乞骸書傾棄於東
轉疎此言如不踐誰肯食吾飲

又雖勤皓暑蕭爽喜新秋老火侵尋盡霜毛積漸稠雲山遮
嶺州不禁江關興旬來已債舟

剛賜欺物役衰髮著詩班暮齒偏多感浮名不博閑相期
塵間賴有同心調詩筒屢往還

何堪苦語憶牛衣老繫微官愧蠅微寓釣豈忘西塞叟勞生未
息海鷗機

雪霜不改幽蘭臭霄漢寧饒病羽飛抱得東書明發去望中東郭轉依稀

書杜城畫屏與蕃仲同賦

竹溪嘗繪先朝玩白黑奇毛信手成衆外肖真奴衆史卷中摛妙到宗英自珎盤礴傳神異誰識纖微用意精畫豈待詩方耐久徃求當世有新聲

金眸王瓜擅炎精翻倒軒楹勢可驚坐誤罽羅猶自紲長思搏擊本非情陰山灑血千夫逐廣澤吁飢一騎輕絕勝含元仗前物空餘粉墨未分明用蘇贊成韻書申潰餘金詩卷

賦卑從來苦不齊松苗何用辨高低醫流混跡收聲譽國士憐才費品題小築棲遲堪送老權門造請自多蹊祖江他日招舟子問訊君家在崦西寄西湖尚起夫尚書

勝賞箕都兩過春西湖小築卜來新江山有分長爲主霄漢無勞自致身

隱几烟雲來迥野
片巾風月到華茵
不知從古危機裡
誰解游心獨出塵
流眺江天不盡奇
暮林鳥尾畢通時
白沙青草縱橫見
烟艇風帆指顧投
觴詠未容陪笑語
漁樵終欲伴棲遲
中兵務劇難偷暇
休浣應須與報知

柳生屬疾甚危余方有南行索留詩甚懇書五絕以塞其意

身勤俸薄困京塵
咫尺江湖負漢濱
造化小兒緣底苦
沈郎清瘦定驚人
人生有技卽窮貧
鉉繫於人最誤身
同病到君憐倒甑
愧無波及轍中鱗
充儷當時迺使旋
翰林詞藻筆縱橫
捧心有作煩君寫
真字飄揚起我情
平生得失略相當
從古高才與命妨
節信輕鄉論獨到
知音隔世有中郎
聽除牛蠋臥黎床
斗室成窩汗瀉漿
淋雨一旬翔米價
古交何許有興桑

送仁卿赴金城

物力稱羅一難諧
在錯盤簡除神策
將治假惠文冠試
把中原最還收
錦里歡政先觀拔
薤俗可草探丸湖
草馳輪遠江沙候
騎團凝香身屢暇

堆案手無難仇簿寧辭小淮陽不薄安異時增秩 召誰復嘆鮒竿

送李雅按朔北

分源稼牧振聲華風彩文章自世家六月扶搖容暫息三分 憂顧豈辭
遐詩書布教行間化樽俎輸籌塞外加報政歸來膺 異數已占卿月照
天涯

策名常愧粃糠前出處相同在暮年平中威聲當北鎮乖崖才略委西偏
一生飛食知餘債二載停雲豈有緣只是閒忙須異路不應鵬鷃分相懸
送入牧耽羅

鸞掖揮毫久演綸青雲脚底屬通津豈知宣室虛前席忽佩魚符牧遠入
日射柁樓明海氣帆經颶母鉢波神天荒正要文翁破其奈 徵書下紫
宸

尚衣諸官契軸

尚方官隸禁林中寮家承 恩鎮在公機杼奏功霞讓彩 冕袍供 御
日當空酒杯只許休時理諧笑何妨勝處同留與風流傳歲晚暮途蹤迹
劇萍蓬

書兵曹郎舍契軸

中兵機密復西銓贊務諸郎揔選賢象近鉤陳環衛肅職分堂簿判裁專
聯鑣一字超羣省高會層樓眇齊天入眼官曹頻聚散風流憑與畫圖傳
送入按咸鏡

嶺南曾報政朔北又乘輶鼓道賢勞苦應思 眷注酬佩符通建鄴行塞
點防秋民虜騰謠近關河攬轡脩邊風高戍角羌笛落譙樓英略游魂適
安烽探騎休瓜期緣訖外卿月已臨頭自笑回翔內長瞻汗漫遊

書觀象諸官契軸

知天時地談休咎名著家流隸一曹遠着緯經占得熟雄分弼輔點來高

餓侯有分皆懸斷相候雖殊共効勞自是生材非繫種好待奇遭

上山奉和蕃仲韻

奔奔涉世少安足忽忽見山多厚顏壓地根聯深幾丈浮空氣結露層盤
神功不衡應施巧人力難移謾摩慳從此羊腸爲坦路輪蹄如織不能閒
行到肅寧懷前夕之遊錄奉博笑

風定湖波湛玉壺蘭舟盪漿並城隅平沙帶樹侵江闊遠島迷烟入望孤
結束繽紛多艷質頭顱蕭颯恨迂儒祇今聚散成追憶回首離亭意緒蕪
奉酬什復疊前韻

清游如踏費仙壺直把奇觀入座隅津濟微茫烟艇遠閑河迢遞客行孤
浮名未肯饒衰境勝地何心着腐儒最是城南堪戀處淺沙濃綠繞青蕪
復疊上山韻

每到茲山興欲飛眼勞瞻望手勞揮天公自昔包玄理鬼斧何時洩秘機

海陰先生文集卷之六

回磴果饒皆側展危峯攢翠更旁圍翠屏豈可同時語探討還隨使者歸

通和蕃仲示韻

正坐虛名等斗箕登臨共負少年時賞心不復追前猛酒令空煩問舊規
好句題時銀燭短高歌闕處畫簾垂知公賸得江山助萬戶寧當一首詩
滿地荒榛蔽古臺江山不改客重來碧天杳處看疑盡白鳥飛邊眼未開
樹色遠含晴景媚湖光遙帶晚帆回豪吟便逼天仙謫誰數推敲馬上裁

右鳳
凰臺

百丈牽舩隨下水遭回不比上灘難江風氣爽清弦柱粉面嬌多擁髻鬟
已坐入宮終見妬寧湏立仗更思閑從今世事君休問千日難圖一日歡

重游浮碧謾錄一律博笑

俯臨深碧背層城表裏湖山眼底明繚徑細通陰磴曲長林斜繞赤墳平
郭熙晚景開荒遠謝眺澄光見帶縈坐我畫圖殊未厭驪駒休復苦催程

途中懷仰聊奉五絕

蕃仲時判吏曹

手編材錄秉陶型桃李新陰滿戶庭却爲文章湏賁國再乘西傳急於星
詞鋒筆法兩臻豪翰苑高名重奪袍自是天公將降任故教淪謫命風騷
風辭丹禁共騰裝三百嚴程不覺長噉蔗已逢回晚味飲水寧復熱中腸
紅燭清樽夜不收蘭橈汧汭沮江流綺羅擁路銀花爛却勝珠簾半上鉤
西都勝跡自商周古錦囊中盡意收只遣阿熊隨不得嬌癡猶解別離愁

阿熊
歧名

題西游錄後

錄罷西游成一笑百年茲事定難逢三神山上幾仙侶六學士中唯釣翁
佳句每回薇露盥故情還與酒杯濃豈期卷軸資傳覽聊備他時我輩同
送入佐關東幕

春省郎星虛右選關東記室得名流從容主畫歸時論裨助分憂答簡

求奇氣不妨資歷覽勝游何用動淹留唯將瓦注增修闕寄與衰翁豈暗投

次舍弟與德韻五首

索居還抱楚臣哀無奈寒隨白雁來霞彩晚成紅片段潭光晴作碧潯洄
顛毛漸脫從欹帽肺病長知更覆盃莫道經帷開薦口不應徵命上途催
黃旗紅紙捻悠悠消得張衡詠四愁老去逃名官苦逼病來妨食蔭留浮
行衝臘雪春應動節變炎洲葉尚稠大厦要分楹杙用散材如我亦俱收
從他世事沒陽秋何況功名本謬悠噓焰可能先炙手徙薪終不及焦頭
福曾非望因人享室復無成與道謀此理共君看要熟不須同席又同
所得平生墜渺茫只饒霜鬢與愁長久知冷淡元無價不信溫柔更有鄉
省事新除詩律縛餘生猶插佛前香書來轉積錫原想萬里關山正剝陽
君才到我劇藍青合有新詩寫御屏望極仙山橫半壁坐臨鯨海沒長汀

目牛敏手裁書簿定霸奇功誤雪螢完府竹符如入手春來先上使君廳
寄南仲

發興東崖熟高談脫塵驚華堂臨萬井清簾傲三庚屢下陳蕃榻同前孺
子纓綠陰仍素月頻夜獨含情

丁二相

嘉仲挽

輔星頻墮達官穴可忍公門又相哀沒有衆賢延慶澤生無厚業貴雲來
卯申不弛心憂國謙抑都忘位逼台共賞石潭懷雅量當沅亦足接行杯

鄭黎判

仁甫挽

同寅風歲分深投意氣相傾到白頭手下判裁皆世務胸中陶寫有天游
輅軒累策多勞勩椿算方延遽罷休埋玉故山孤絮酒憶從轟飲每輪籌
步韻酬遜齋

陰谷無由泰復春毫端噓起一微塵風騷壇上雖迷徑魚鳥行中却致身

好編不應夢
危花戀樹殿餘春
聯騎尋芳出陌塵
一代文宗欣附驥
百年名縛愧觀身
鳳毛襲美書香遠
鶴膝裁詩格調新
謝事何時開綠野
與招劉白作嘉賓
南知樞仲柔挽

珥章晨趨侍
冕旒追恩伴
直幾人留當
君仗節炎荒日
是我無綈野水
秋榮謝六官
謀退早迹收三黜
強顏羞義叨深分
嗟腐職絮酒無由奠
哭趙三宰元紀

枚數清朝士
如公儘罕儔
官躋百僚右
囊乏一錢留
還算密函書
英粹
寧身他時閱國乘
清德傳中求

清和初吉出城南
訪遯齋都憲明日奉寄

緙得韶光未有因
清和風物更宜人
楊花飛盡榆錢散
隋錦開殘魏紫新

佳句彈丸頻過誦草書繇鍼獨傳神畸人不管霜威凜軟語忘歸轉覺親
共乘西傳管嚴程幾處樓臺眺晚晴沮水蘭舟行蕩漾洛波羅襪步輕盈
百篇詩就才難盡九曲腸回意未平曉陌長鞭驄馬上不知還有去年情
遯齋見酬復疊前韻

恰有三生未了因對花長億似花人浥殘曉露啼痕濕媚罷晴暉醉臉新
富貴豈能形意態盡圖空費貌風神知公冷笑韓中令斥去穠華不許親
風光空想舊遊程兩作春泥不放晴玉軫何心纖手理金樽無賴綠醅盈
偶叨祠祿身如寄久領朝綱物得平到底閒忙俱有繫爭教江海便忘情
復酬遯齋依韻見寄

名花八眼集誰因不遂長安賣擔人尤物本非真間舊閒情聊復與圖新
未妨張監方羞色無奈封姨妬損神但得能行一朵白買栽池館要相親
結束方舟縱水程西湖繫纜趁新晴蕙蘭賦質多纖弱珠翠成行更爛盈

羅幕護欄官燭吐江風灑面暮潮平軟紅衮衮無佳思不復當時分外情
安分文人偶見唱之什步韻見寄復疊奉答

久拚於世絕依因莫染髭鬚枉媚人北闕籍除官苦冗南山色舊事皆新
涸陰未遠鄉猶冷腐臭何時物復神炙手朱門無處近便思鷗鷺與情親
老驥寧思萬里程閉門高卧賞新晴世途自古多虞梗天道由來易損盈
漁釣已輸追甫里行藏不復問君平只應天子同心調變極鵲蛙尚舊情
再答依韻見寄

蓬梗平生坐宿因十年波蕩困羈人學非歷聘空辭魯道爲攻玄豈美新
上下松苗元任分東西牛斗不能神寥寥宇宙知誰契除却張真肯要親
閱盡群飛九萬程半日光景了陰晴畏途過後心猶小厚祿叨來器已盈
北里吹笙天外落南郊籍草望中平幽居默默長羸卧不逐黃衫趁物情
三答依韻見寄

夜光從古困無因，祇繫逢時不繫人。
老境眠蠶將自繞，世情看局幾回新。
聖恩枉賦支離粟，暮齒長思標社神。
卅六策中拈第一，湖邊井臼手堪親。
衣冠強束就章程，寧避車塵雨與晴。
默數階堂幾榮落，相思嶺月費虧盈。
低回散慢身全老，孤負叅尋疾未平。
遙想所懷頻鎖直，苑鶯宮樹惱詩情。

四答依韻見寄

九虎當閑近，莫因嗟君身世亦畸人。
仕淹執戟爲官小，篋鼓升堂媚學新。
木上座今多得力，孔方兄久絕交神。
輪蹄不到張羅地，賢聖從容卷裏親。
謝爽浮榮等髮程，鸕鷀相並曠沙晴。
競馳未信人皆竭，無挾何由我獨盈。
稿脫閒吟還得警，酒澆枯恨轉難平。
共期早息波瀾去，回首滄洲不盡情。

五答依韻見寄

到老迷方豈有因，堪嗟畏影就陰人。
櫻今賜省空懷昨，麥已登場鼎食新。
半世羈離嗟有命，一官棲息足瀕神。
正當哲匠開文苑，敢道吾詩子建親。

性懶當時似李程八埒衙上步春晴宮槐緩逐簷陰轉午渴頻催水箭盈
無奈舊巢痕已掃強追陳迹思難平有懷更向何人說抱膝燈前只感情

喜雨用前韻

水旱于今有底因須知理氣徹天人臯壇用幣誠彌切廟祀迎牲禮又
新五夜同雲孚感速一番蘊稿見功神西成告稔由陰陽準備蕪詞頌德
親

滴灑風鬚修作程滂沱連夜曉慳晴勃興壠畝知苗碩暴富改塘報間盈
賀雨詩成輸諫切乞身章上趁江平佇者修省臻時若放愜湖翁擊壤
情

寓直下晴復用前韻

極無極備竟何因得水蛙聲已亂人高閣漏籌侵午促近山嵐脚撲簾新
宦情挑起全無緒詩筆拈來似有神庭院悄然空永夕獨眠床上索誰親

去年南路滯行程十日淫霖未見晴宿霧幾峰籠得隱流泉百谷匯皆盈
書籤乍整攤還散香燼頻堆掃却平隨遇勞生皆懊惱每回吟斷不勝情
奉答安分酬韻

共苦焚籠奮果因尚嫌懷刺曳裾人詩功頓覺窮來進睡味翻於雨裡新
平子四愁方屬思虎頭三絕舊通神深情久已投膠漆不待葭莩更叙親
夢落江南數十程一帆高掛洛川晴連疇稻熟迎風偃並舍醪香潑甕盈
金背鴉歸湖樹遠綠簑人過野橋平此間有趣兒郎損輸與逃名習隱情
奉題工曹尹判書屏

巖回不老闕招提谷口烟籬逕欲迷俯視長洲舩兩兩晚帆風飽入前溪
逐浦歸帆

一龕崖壑控山庄春霧和霏翳日光出沒樹顛兼屋脊就中疑有舊滄浪
山中晴嵐

懸瀑奔爲幾道川
祗園樹擁上方天
何人遠趁青帘颺
隔岸清鍾到客船

烟寺暮鍾

石甃衝波架屋高
江橋潮落送漁舠
夕陽捲網來何晚
膾斫霜鱗甕發醪

漁村落照

鷺地風來雨意酣
孤舟夜泊古祠南
楚鄉風物皆多思
蕭瑟叢篁最不堪

蒲湘夜雨

萬頃湖光一點螺
蒲輪圓魄正舒波
欲憑笛調魚龍伏
無復仙翁裂管何

洞庭秋月

極目寒汀帶晚沙
幾群嘹唳入蘆花
莫將弋射驚飛去
留作書郵好寄家

平沙落雁

同雲篴屑晚來皆
洞壑松篁盡壓埋
玉宇瓊樓寒幾許
湖船愁殺老漁懷

江天暮雪

送林通判士遂還鰲山

毛錐大釵可相輕理世經綸足一卿
郊夏搃戎元學士西涼上將本書生
功收慈嶺投毫去警急延州輟從行
但待吾曹紅抹額朔方民虜盡知名
幹木河爲朶里城驅除獮俗費經營
增陴百雉補岩邑團騎千群號勝兵
夷落頃虞乖撫馭更能今要服廉明
不須瓜滿虛前席條奏邊情 聖聽
傾

講官名共黃門盛詩語警人筆意橫
學士文章翻水速元僚思致出藍青
壁中不許輕兵擣囊底猶教勁敵驚
却使邦家九鼎重龍荒豈合照文星
迹共寅恭非異趣志專鉉槩有同功
龜從曳尾寧思灼劍欲衝星爲試鋒
滿柳攀條沾暮雨隴梅吹管落邊風
英州紀績君家事努力先春拓舊封
次慎希白別墅韻

收身聲利謝交馳好向幽偏得自怡
遠水分邊銀海豁晚山看處角巾欹

眞游顚氣常承嘖浮世憂端不入眉三樂已諧榮啓願算來飛將數非奇
怡養堂

免將身世際艱虞魚鳥行中恣戲娛得異方來安是藥據枯梧罷我忘吾
杖移靈壽非貪賜會作睢陽不要圖消遣百年龕糲在更須傷性理盃盃
娛老堂

危亭殊勝御冷然目盡孤鴻沒霽天巖末微風含細葛磯頭驚浪濺橫鱸
靜輸蹠渚無機鶴閑送隨流不繫艍養得襟靈充浩氣笑看浮世縛塵緣
浩然亭

百尺高臺枕渺漫披襟日日寫清湍縱橫江勢窮源委表裏山形見鬱
青鶉綠蓑漁興晚細風斜雨釣緡寒愧非仁智收眞樂只要殘年學掛冠
淵臺

起視秋空夜未央汀洲霜月浸葭蒼纖綃淚盡皎機冷警露聲殘鶴夢涼

簷豁簾疎留未穩斗斜河轉望難詳世間多取皆非有貯不傷廉獨此堂
貯月堂

激作驚波瀟作洄盈科放海亦奇哉天機袞袞趨難住世事悠悠挽不回
五柳閉門陶令宅百年多病杜陵臺枕流漱石真餘債八耳濤聲出地雷
歎逝臺

贈權生應仁

憶從先子得差肩諫掖青蒲承接聯毛羽鼎新丹鳳穴在亡偏感白鷄年
休嗟節信長遭慢所喜童烏尚守玄孰謂戴盆難覩日 聖朝更化急才
賢

詩篇曾任漢濱傳匹似彈丸走坂前痛洗釵南詞爛熟超尋丁卯句清圓
寫窮百紙毫逾勁解却群牛目少全敏手到渠空冀北世間驚蹇不須鞭
任司成楨挽

稷下當時媚學兒游魚同隊越追隨晚途榮落無妨異白首相尋話所思
閑曹歲月閱耆年貧到簞瓢亦任天萬石尊榮唯二子如今何似五常全
殘年悼舊病相纏執紼情深倍惘然他日過君披宿草賸沾哀淚棘人前

西原別席溫甫屬孝仲挑我倡酬

西原萍水會歸路日將斜殘雪山含玉徂年整赴蛇莫嫌杯酒污應困簿
書加一任脩門隔乾坤本一家

前宵霜月好官燭淚偏斜綃幕光開鑑湘簾影動蛇纖歌聽宛轉屢舞亂
交加省事西原伯招呼不離家

孝仲辭酒不出
邀未起故云

酒闌天欲曉斗柄正欹斜凌亂拋雲髻疊騰困睡蛇擬休機未息垂老謗
猶加何日致黃綬漁養尋戴家

南亭千古地去住淚交斜忍別銷丹臉扶衰伏黑蛇桑榆年已迫濛汜日

將加莫歎寒宵苦衣衾倩妓家

有門前蘓小家
之句故及之

文酒吾儕事縱橫筆陣斜長閒群鳥獸遐景闔龜蛇五鼎榮安在專城寵
已如何當安十畝桑梓訪君家

此日足可惜離筵舞袖斜莫嫌倉裡雀深怕井中蛇已任雲林遠從爲軒

冕加何煩了官事爛醉是吾家

孝仲視務不怠
自期政最故云

中郎才邁古三斗帽簷斜筆力堪扛鼎詞鋒可斬蛇宣城詩本警桐邑政
還加楚越均肝膽從今共作家

還至公山步前韻寄孝仲

擣桂偏知辣昏花字半斜沉珠探赤水麓膽試青蛇衮衮言難盡忽忽意
有加更期聯石鼎巧捷闔詩家

青雲同發軔直上路非斜竊食羞群噪啣珠許報蛇散宜隨分老駑不願
鞭加所喜奇窮業文章有世家

兀兀帶殘醉霜風吹帽斜雪應滋宿麥雷欲起藏蛇朋酒懽難續乖離恨

更加憑將今夜月分照使君家

錦水名從古寒流繞郭斜重來時屬蜡曾過歲丁蛇割劇功安在經營力

倍加城池猶占勢烟樹擁千家

已年過此今又值臘故三四及之

悄悄無眠夜燈光隔幔斜客衿稜作鐵香字細縈蛇聲利神常繫山林跡未加餘生結詩社巾幘遺君家

孝仲欲以多窮我而反窘索故以巾幘戲之

苦寒有感

沒脛雪曾埋四野裂膚寒復到神州壓摧厚土恐歌軋凍徹深淵殭蟄虬可使松篁遭挫抑寧饒鳥雀亂啁啾天心有意蘓群物反令行春也速郵一曝無由救十寒祇令藍縷淚沈瀾烘肌取煖寧非謬袖手通溫更覺難一氣隨元均往復四時成序底虧完高居有宰能卑聽下土微臣抱寸丹

夜卧釋悶

冷被懷冰却睡魔五更鷄凍不能歌窮愁似我今安有多病休官古亦麼

雲磴訪僧雙蠟屐寒江釣雪一漁蓑人生貴在從吾好鍾鼎軒裳未必多

復疊前韻

小築巋然俯亂洲坐來阿堵落諸州天空海月飛金鏡野迥河冰偃玉虬
物外風烟收曠蕩人間辭舌并喧啾經年卧病猶懷賞雲樹迢迢隔數郵
傲兀乾坤不點頭神游一日遍中州起騰紫府騎青鶴遊戲清都控素虬
半世榮枯鴟尚嚇百年聲利鳥爭啾相期涉難饒曾益不晚徵書報急郵
自笑吹葢齒久寒無由隻手障狂瀾千歧載道曾迷向九折當前始悟難
石溜易穿應未謬金甌無缺可終完翻雲覆雨悠悠事欲寫毛錐族盡丹
世情噓暖又吹寒厭見亨衢起駭瀾弱羽搶榆投地易羸蹄伏櫪取途難
是非衮衮人趨僞寵辱紛紛士鮮完今古名場纓屨絕晉春秋裏勘鈎丹
穴疾多生苦作魔暮年彈鋏更悲歌憂齊南嶽猶云過恨比東溟尚覺麼
崖寺殷鍾搖雪巘渚磯斜雨暗烟蓑百年用拙應吾道平世功名不要多

三盃飲伏愁魔耳熱嘯鳴自放歌秦楚雄強同泯滅孫劉熏灼亦么麼
少年鉅屑輸長柄老境宮袍替短蓑安得青山映黃髮與君隨分不求多

再酬栗里韻

江山那復苦相留一日鷄書播遠州解雨隨時霑宿枿春雷掀蟄起潛虬
居移瘴海茅音聞耳脫荒墟鬼物啾只是西南成悵望謾教鴻雁作書郵
退了蓬心戰熟寒儵然古井湛微瀾朱崖秣道危機最黃閣那知末路難
交合金多從彼盡名標壁重許誰完唯堪借子飛霞佩早晚功成九轉丹
名場擾擾劇奔魔邁軸衙門我獨歌紫陌高車真自斷滄洲小艇共君麼
回看世態隨蒼狗直把勞生付綠蓑畢竟公非忘事業時聞輿論苦相多

又酬見寄韻

才高筆老語兼道豪氣嶸崢蓋九州賈賦何須憂集鵬陶校行復化騰虬
三遷子已輕巖險一醉吾今任啾啾且述詩筒為面目不愁形跡滯程郵

開卷清風拂面寒似扶衰病快觀瀾如今國士投閑久自古文人得路難
易奉器盈憐始銳欲磨圭玷悼初完應湏投寫歸耕早剛及湖陰杏萼丹
世間榮落孰非魔誰把松苗浪作歌到了馬錢俱是癖看來鵬鷃恣爲麼
笙竽北里披羅綺雲水南湖卸笠蓑莫苦憂貧憂道乏平生半菽覺猶多
人日書事五首

元日至人日俱含惻惻悲病猶前歲惱顏作併年衰飄玉漆粧額雕金綯
勝姿好占晴快候隨意賦新詩

菜嬾萋蒿薦林濃栢葉含新正才涉七陽會又逢三砌草金鉤屈池水碧
王涵題詩誰寄友高杜最難堪

海上逢佳節淒涼去國魂亂燈漁欲返孤艇鶴曾翻雪盡郊原曠春交霧
雨繁應饒大蘓句愁絕與誰論

吾儕宜困厄世路本艱難客慣經人日行虞犯鬼關柳嘯牽恨望梅謝意

愁看誰憫南征老鄉山近百蠻

較得黃岡久憑將儋耳些江湖憂密勿顏髮老交加未是甌生鉞無如壁
困瑕陽和挾雷雨今要發萌芽

偶書遣懷二首

常擬歸耕百念灰心關南畝爲春田俗多健訟恒愁忤隣有道姦見即猜
萬事乖疎唯自笑百年懷抱爲誰開人生何者非相累要識青黃是木灾
散帙西堂日幾回排愁覓句似相催夢參鷄鷺隣餘習跡混漁樵樂不猜
憂喜自關孤賤事安危須看廟廊才殘年厭聞真成癖客至從嘆故鑿坏

酬友人見贈韻

蕭條暮律疾黃閭想見萊衣入夢斑櫪馬嘶殘燈映壁栖鴉翻了月御山
我無世味拋名易君有時須得路難且保平生董桂性時來天道亦應還
殘生欲處不材間霧豹何須露一斑甕牖平臨羅帶水愁腸斜對劔銘山

長貧亦樂收身晚小吏相輕去國難
招得旅魂知有處桑榆社裡共君還
雨中巡園有懷

霏微連曉雨浩蕩一園風潤物如無跡
添寒覺有功萱芽纔吐綠桃臉已舒紅
想見憂時感平分到老翁

長年饒感慨春至轉無悰愛睡增脾病
拋書放午慵紛紛驚木事悄悄送高舂
祇益收身計歸耕意頗濃

少年真浪許出仕耀家邦投老機全息
看山意盡降江鷁終共社海燕偶成雙
何日滄洲去垂綸坐舊江

默坐成癡鈍悲吟撚髭綵世情方噂噉
吾道屬艱危萬死逢奇數孤身冒百罹
浮生終有盡莫夢樂無知

頑髀將生肉羸腰久減圍病須尋藥
累忙不廢書悵離思隨回鴈鄉心逐
採薇夢中懽似昔牢落覺來非

風葉騷騷開短籬春陰含雨壓茅茨轉添睡課嬰脾病又見年華種髮絲
自嘆虞翻非媚骨誰憐梅老坐窮詩朱崖黃閣終安在夢罷還輸黍一炊
夢罷

幽居見慣春來事時候應須變立談釀雨陰低翻作雪破雲晴逼忽蒸嵐
力呵小凍毫猶退久擁洪鑪意未甘不信天公愆號令謾從理窟事窮探
陰晴

寒饔風助勢陰重霧兼昏淡日浮雲外新春宿草根無求憐鶴瘦得食任
鳥喧誰識山中叟天機默自存春寒

杓陽道上

暮春吹雪襲征袍夾路群山似糝糕病入新正猶作崇風從前夜覺增饔
二年御恤心空苦半世謀生首屢搔已分身爲田舍子巾車何日向東臯
得書有感

遙憐海上逢新歲却向愁邊作報書鵬擬扶搖聊暫息劍分形氣不長疎
水山會見除三窟杯水那知救一輿莫道相思無尺素江湖春動有來魚
家人送餅酒備我生辰

愁裏流光疾蒼茫歲暮時都忘初度日久廢蓼我詩天地夢孤影星霜逼
再期強勞家餉至無處與開眉

松泉途中

前宵栗列今朝解縱蹇平郊儘放慵臘盡溪山便生色春回裘褐歆無功
百年路上輸行役一歲愁中了始終何恨丘原悶華屋阮生寧復哭途窮
謾成

已了書空恠還成仰屋嗟伏陰侵歲序寒日勒春華檢舊詩全少逢新病
更加殷憂心貯火苦淚眼生花鄉思輸同社禪機付結跏弊精工刻楮安
足拙成蛇不覺生甌缺還多索壁瑕傍人非喪狗黏壁類枯蝸厭逐孫劉

勢漸依許史家歸途遙嶺嶠舊隱對雲沙放跡疑懸解投閒劇癢肥名遺
窮亦樂志適老堪誇村釀餘缸面時新薦笋芽渚田饒稻秫江市足魚蝦
去國雖知寡宜農任壤遐兒頑從失學婦慧解煎茶悵望秦城遠行歌夢
水涯江山誰憫重毫髮自憐差牢落嚴生頽悲涼葛老砂與來仍縱筆醉
墨爛寒鴉

寒食卧病

偏側嫌塵鬧乖慵忤物情感時逢熟食卧病自生明槐柳看新火松楸隔
舊程潺湲隨孤淚華髮轉添莖

七夕感懷

山川斗覺氣蕭森布被生稜睡味深一榻秋聲門柳嘯蒲簾涼思并梧吟
銀河橋就星宮會玉塞書回怨別心病逼授衣增客況故園空急女須砧
雲物淒迷絳闕深鳳城歌鼓競光陰班姬攬篋思隨扇陳后孤栖賦道金

絲縷穿針爭乞巧蛛窠縈合孰諧心獨憐曝腹湖陰老蒲鏡霜毛動越吟
夜來空宇捲重陰斟酌星河喜不禁細字昏花欺爛燭強愁弱念見孤斟
蒼鷹欲試橫雲翮老驥空存抹電心未必漁樵真失路免教常侍孟諸吟
江亭餞客

蒼沒盡舫古官津江上高亭管送人去住真成關外別衣袂空弊路岐塵
芳籬惹恨迷晴浦落日催行轉綠蘋唱徹驪駒推祖輶亂山遮眼看嶙峋
沙汀翫月

暝色沉金浦輕橈破浪紋遠沙平似雪圓魄迥升雲星射潮初退臯鳴鶴
已聞遙知軟紅裡群動謾紛紛

清和朔朝紀懷

一宵風雨餞春華病眼無眠獨自嗟幾片棲紅猶戀樹滿籬新葉亂抽芽
人生結局拔林鳥時序成功赴壑蛇却笑潘郎悲老物謾言臨鏡鬢霜加

風兼雨氣峭寒多故絮生枝戰齒牙金帳淺斟知幾處冷墮門蟲問誰家
泥融語燕忙營巢密熟遊蜂懶越衙換盡鑪灰香字退苦吟休道帽簷斜
朱明陽鼎盛殿閣凱風南楚葛勲堪策虞琴趣正湛獻功虛繭館頒果出
櫻籃獨有微臣病無由夜覲衆

漸覺人間窄冥行悼我慙機鋒身屢觸湯火手先探物忌名何早神非禍
亦甘歸耕知有路斗粟莫懷貪

久判鴟鷂性江海分應甘有謗思投北無田作指南焚魚知偉士殺馬是
眞男色舉青宣閣休爲富貴酣

卽景

青蕪遷迤仍沙渚江勢平分鷺尾斜對立春鉏機事少孤眠鳥健野情多
潮頭絕叫聞漁艇霧裡微尖認酒家除却營丘眞水墨老來才盡奈詩何

有感

烟雨連江亂晦明天瓢洎滴未全傾長洲菰蔓行彌望高閣桃生正稱情
物外浮休身已許人間爭奪夢猶驚江湖勝事從今數嶺海何人伴我耕
園林漲綠恰藏鴉點點絲窠罨落葩芳草未隨啼鳩歇碧雲空與美人遐
時光欲翫都如夢世念無多漸薄紗不晚收身江海去爲農尋我舊生涯

初夏書事

攤書尋睡罷簷際燕呢喃過雨閒花盡迎風戲蝶酣黃雲知熟麥紫葢已
眠蠶泥病看時物天機默自參

急雨

揚沙風斷渡破塊雨埋空小艇爭依岸驚禽亂入叢快哉祛伏暑行矣報
農功戕謝天翁道無機長養公

偶興

湖上青山山上烟脩眉臨鏡鬪嬋娟西湖風月元無價賣與游人_不計錢

前宵一霎過蘋洲向曉高風似九秋快哉何須能賦手擁衿清睡半蒙頭

酬容齋惠韻

淹留艱桂玉決去乏囊裝有業生堪籍無妻面復光漳江千轉遠黎嶺八盤長宿債還如許羈臣莫涕浪

舊伴琴和鶴年來久打裝幾回憂歲計一半減容光魚趁春前美芳添夢裏長共拚花下飲休惜醉淋浪

酬宋都憲示韻

都憲來僑故相居風聲一世未應疏登門却憶攢華轂置酒今逢換佩魚韻勝西清聯傑作籍通東觀借奇書猥蒙不鄙論文字盡解充飢實亦虛

禧陵輓詞遷陵

代卽 龍興日周家 德叶時鷄鳴 規豈解樛木 惠偏施未待青

宮長旋成素柰悲岡原龜錯食陵寢事曾虧草樹烟雲台星霜歲月移

哀茹還戒路廡衛再陳儀烝庶腸猶痛多官淚復垂因山新舊壙紀德
後前碑宅安深追慕攀號倍孝思微臣懷自愴才盡強題詩

沽陰先生文集卷之六

皇華和稿

次郭山金孝女詩韻

辛巳史道時為使唐舉

為人子職當思孝豺獺猶能知所報母恩罔極病沉嬰豉不百身期一效
簡策聯翩書孝女幾人至性能如許忍斷春纖不自疑只今異事傳征旅
新詩句句勝南金孝女聲名重自今漢署編摩應採錄却從東土費叅尋
人有四端猶體四此皆在我非外事若當萌處不能充是軀雖全均是棄
孝里荒涼幾歲月使華今日重標別清篇和璧價連城獻闕知還免三別
使節經間一問之更煩椽筆為題詩芳名定自流千古不必堅頑數尺碑
行路悠悠盡式門誰將文字慰貞魂從今名姓寰區滿應為皇華秀句
存

次蕊秀山韻

驅馳倦脩路荊萑悲沮景脩路未稅駕徂景無留影早起霜戒嚴晚行雨

送冷好山忽入眼洗然煩慮屏逶迤瀉平川峽絕撐高嶺攬舊神已契踐
勝賞亦併茲山聞天下洞壑邃而靜邂逅兩儒仙文彩照彪炳秋天氣岸
杳淡水襟韻淨董公舊遊地短碣標清境悼徃楚愴多攜藻詩力騁寶墨
爛銀鉤字字重金鉞味如噉蔗永快似憑風迫江河不自大泥滓猶錄省
執事亦云泰景仰徒延頸詞源怯浩渺道氣服精猛雖然蠶測海百漏統
一領敢言心得得祇自懷耿耿三歎筆硯傍前簷已迎暝

次夜宿太平館醉起口占韻

危樓先納日絢煥增丹翠流眺俯城闔微吟消午醉 霽景麗層霄曠朗
澄上下歸鳥各天機紛紛及未夜 擎 詔兩仙來信宿乃言歸邦人留
不得競覩雲錦衣 昔人物色留箇箇紗籠辟遠來久寥寥賞音還此客
歲陰欲窮北歸思長懸西嚴程自未暇催早聞荒雞 賓館頗宜人還
拚數宵宿題詩眼夜遲未覺頻更燭

次金郊步月韻

聯篇芳芷雜辛椒更把吟懷着月宵
警夜知應聞鶴唳吐芒那得見星搖
添爐蕕麝灰頻撥舉鼎煎茶竹下燒
莫謂東溟身更遠楚鄉歸路亦迢迢
次副使韻

雙旌東指費躋攀文彩風流伯仲間
眼底山川渾入興吟邊物象不曾閑
恩綸霈澤從天下使節隨春戒日還
遙想仙曹九霄上幾回環佩待同班

伏觀途中諸作道錄見示不勝榮幸
誦味之餘猥奉短章用表揄揚

丁酉 詔使龔用卿
吳希孟時爲送接使

車騎雍雍載道遲邦人爭覩鳳麟姿
名高桂玉標科甲選重論恩侍講帷
聲價馬群空冀野飛揚鵬翼出天池
東來誕布前星慶愧乏先容拜盛儀
龍賦名歸錦繡腸長篇短什燁然光
溪山顧盼多蒙賞物象牢籠不管忙

訪抵崑岡迷絕寶戈開武庫耀雄鉉觀風只爲還朝
姜何幸東韓亦贊

次入漢城喜晴 正使韻

大慶布鸞書 德音均海宇重陰鎖連朝積潤滋入土泥沾恐失容默禱
登不覩 皇威宣遠顏齋沐肅龍虎剝雲挾天風吹斷簷間雨不勞占女
牛曠蕩曠陽煦 禹輝繼明遍八方 帝言郁穆敷吾 王將 命詞巨
儼若仙襟靈淵奧難窺牆摹天何敢僭揄揚還有短什歌皇皇

右副使韻

靈光統斗極喜氣溢寰宇慶聲遍天下 德音先東土如日破幽蓟有目
誰不覩謳歌歸震鬯拜蹈共虔虎祥風不驚條仁澤化時雨霖淫恐妨農
不日旋晴煦 綸音繾綣及遐方感戴整禮歸吾 王麟袍玉帶照海隅
觀者填咽如堵墻保天恤小屬包荒願續賡載歌虞皇

次謁

宣聖廟

正使韻

數仞宮牆擁泮林春風芹藻長清深
錦袍儼有旂如意蒼檣寧無手植陰
天上威儀來彩鳳橋門冠佩肅青衿
不遺海外宗吾道盛事東韓僅見今

右副使韻

升堂雖是要由階大德如天未有涯
宇宙彝倫千聖一春秋享祀百王皆
麟袍倭武臨壇杏玉節隨風拂石厓
兩使不違顏氏學辦香應自罄心齋

次游漢江正使韻

席下清波動砌臺登臨魂爽出氛埃
映雲小雨淡間過擁髻遙山望裏來
坐壓仙曹增境勝舟聯浦口趁潮開
茲遊天借懽多少欲挽長江注酒杯
不須方外訪蓬丘笙鶴欣逢下十洲
宮錦袍明沒底絢晴天影落酒中浮
歡娛一夕留仙侶形勝千秋聳畫樓
印迹冥鴻霄漢上只從窮什討清遊

右副使韻

徐韋錦纜並陵丘容與平蕪又亂洲思入無倫詩律細才供多患事花浮
高天欲墮三竿日豪氣猶登百尺樓攀和知難吾亦已此生寧復接仙遊
雨絲風捲去雲葉日烘開發興三盃酒喧江百面雷晴蕪迷遠渚烟樹接
平臺邁賞真存數天仙儻一來

次宴慶會樓

正使韻

煌煌 一札下九天簡使試輟文華筵 溫音持承香案前 皇眷獨向
東韓偏臯夔事業駕凌烟文章買馬名淵鶩義勝道肥志貞堅詩禮自是
傳青氈詞林獨步謝喧闐韻寡適俗如陶絃採觚文思湧如泉戰戰爲獨冠
三場連殊方佇看威鳳翺將命來近李郭船憶昨蘭橈沮江公筆花驚龍
春雲鮮催飛藥玉贈槎鯪一斗百篇如青蓮許可何啻得萬錢隨處不拒
雲裾韋吾 王拱 極誠悃懸 寵命來頒相屬聯此回禮意益糾纏郊
近虎拜垂簪鈿兩仙和氣挹藹然秩筵儀享窮懽妍 天威曾不遣顏顛

傾蓋沉復情相憐因人地勝信當年天眼嘉嘗臨中邊池光劍樓鏡中娟
標樾邃密時聞鴈平波荷蓋散田田天光雲影涵魚鳶邦人襲薰劇蘭荃
緇衣安得留周旋詩清筆妙兩無傳思軼衆外形諸篇一歡那復問後先
春序忽忽坐變遷他年交夢亦難圓勝迹祗欲煩龍眠登高可但能賦賢
辨章餘澤霑朝鮮共祝公壽如增川

右副使韻

瓊花琪樹擁春晴白日樓臺約化城勞使非因優詔至重賓先罄寸心
明撲簷飛絮縈仙杖通苑清溝噴玉鯨波拭荷盤翻躍鯉烟深樹暝度嬌
鶯輕盈回雪當瑤席漱艷流霞酌兕觥絳蠟未收燒後跋靈鼉猶戒僊時
鳴幾枝火樹回清晝一簇砲車殷畫楹千里風標瞻使節萬方臣妾仰前
星身仍羽客游勾曲與駕颺輪誇大瀛偏借陋邦留偉作讀來神骨洗然
清

春色平分杜若洲
垂楊拂岸綠烟稠
菱花對展明如洗
錦鴨回翔弄碧流
雙洲

秋窈屈曲跨清波
藻荇香中笑語過
恰似松江三日尺
艤船聞唱採菱歌
長虹

嫩柳鶯啼回霽色
新荷魚躍動微香
溶溶綠涵天影知
自雲間落翫長
玉液

香蒲晴瀾指點間
四圍天影玉鸞環
白鷗自愛光容好
飛舞芳洲去復還
環碧

一着秦鞭礦質分
槎牙瘦骨倚寒雲
春深小雨烟光膩
青翠多添碧蘚紋
弭雲

星躔森布天容肅
璇極低昂地勢高
葵藿向陽終不改
丹心隨處配昭昭
拱極

春光隨玉節延賞到茲亭竹助苔階翠花爭獸錦明卿雲縈繡闥遲日媚
華楹賓主交懽地精神各自凝凝秀亭

亭留嘉樹翠春老雜花英境僻人難到仙來眼忽明知名應有數見賞亦
多情不是龍蛇扁爭爲此地榮翠露亭

次宴勤政殿正使韻

紫殿臨雙闕游氛捲九霄雨添花臉膩風嫋柳腰嬌甫享陣蓮豆撤金間
鼓簫襟期披更豁眉宇鄙全消桃熟供王母鳬飛近葉喬碧雲聲駐曲丹
渥暈吹潮剪蠟猶揚觴鳴鼉始戒宵角弓嘉樹傳觀範不相遙

右副使韻

間氣鍾人傑高才具弛張攻書筆成塚得句草生塘直諫陣謨切明庭簡
使光新恩敷鯨域舊業襲書香服禮虔候度排筵展正堂多儀瞻拜甫
有踐豆遠芳置醴推衷曲侵宵信漏長高絃搖玉軫豪吹激金簧饗重有

維旅詩歌壽等閒跡雖區異域歡不間殊鄉封殖留嘉樹追思詠憩棠齊
階陳虎拜漢札荷龍章不盡停雲思迢迢海一方

次登龍頭峰 正使韻

江勢渺然廣發揮點孤島山朝作儲胥水環為襟抱領略兩仙過品題搗
華藻江山喜見賞顧時者更好不朽有芳名應與天地老

次泛楊花渡觀捕魚 正使韻

獨立鰲峰晚東風承鬢斜水蒸連積氣天遠散餘霞綠網時橫浦銀刀亂
擲沙漁人期得雋應不救鱸鱖

次望遠亭 副使韻

風急沙堆亂潮生水國遙蘭橈乘鏡面雲幕踰山腰鳥影沉烟渚江聲落
浦橋仙遊拚一餉脂轄在明朝

次再游漢江 正使韻

浩渺復漫漫，方舟抵別灣。
遐觀窮物外，高興出塵間。
朽木頌仙詔，颺輪度海山。
會心旌僻壤，風月免長閑。
城南臨漢曲，形勝久空群。
已得驚人句，還須絕世文。
頭攜錦綉筆，下爛烟雲屬。
和才偏竭，悲吟至日曛。

次游楊花渡

副使韻

鰲頂高相並，人家盡對灣。
亂岑騰翠浪，鳴瀨激黃間。
歸橐元無物，高情只愛山。
一壺藏別境，何意共偷閒。

次太平樓

副使韻

雨後輕颺強作寒，泥深還共犯途難。
情孚已信初同趣，禮絕猶蒙不隔懽。
一夕登門名便別，幾人懷刺字多漫。
錦囊風月應收盡，千里雲山亦奈韓。

次太平館用唐新庵韻

正使韻

一雨過春巒，潑眼增蒼翠。
韶華能幾何，謀飲寧辭醉。
忽忽日易晡，山鳥鳴上下。
依依花上月，誰負千金夜。
柳幕看鶯擲，杏梁迎燕歸。
春殘風復

雨何不惜沾衣 高亭星斗額盡閣椒蘭壁勝處品題遍何曾來此客
行行三十館壁輝東借西不似汝陰老騎馬聞朝鷄 新庵香案仙鴻跡
曾信宿賞音復有人幾夜燒蓮燭

次出漢城戲作回文體

正使韻

飛飛雨雜暝烟蒼轉旆行看喜色黃歸越塞鴻遵遠路思縈春物感垂楊
衣塵拂盡臨谿好筆彩挑多揆藻長扉闔客窓寒破夢霏微篆縷擢鑪芳
青凝草夾徑盡活人行橋城隱春山疊水分野寺蕭晴暉媚樹幄暮景催
歌樵清雨輕塵淨旌旗捲路遙

次慕華館送別

正使韻

拂曉輕陰闕日華離亭雨氣壓朝霞賓筵拱揖瞻無度醉眼朦朧眩有花
珂馬紛紛衝徑滑旌旄獵獵捲烟斜情孚不隔川塗迥莫道東韓在一涯

都門夙駕送皇華
小雨崇朝暗曉霞
欲續緇衣歌改敝
爭傳彩筆夢添花
青山直傍歸輶遠
碧樹平分去路斜
但保情真耐久寧
論地角與天涯此

次設祖慕華館副使韻

清漢爲襟木蜜山
半旬高賞未應闌
驪駒唱徹西歸路
付與神游夢寐間

次效東坡體正使韻

物色春城入筆間
登樓午夜不知寒
仙才一斗詩篇百
收得牀頭燭跋殘
樹陰新合翳殘花
拂掠枝頭紫燕斜
禁掖春光如許好
幾思宣勸醉流霞
追陪不覺兼旬月
貪誦佳篇却睡成
還似九霄間鶴唳
向來塵骨洗然清

右副使韻

襲薰蘭室四旬零
只愧晴天強燭螢
今日別懷何處惡
暮烟江雨睡初醒

次碧蹄館道中遇雨副使韻

歸心滯雨轉懸懸
礪谷愁聞百道泉
勉與風光拚一賞
不應隨處動遺牽

次碧蹄別金國相 正使韻

使旌俱擁火城來不遣賓筵卜夜開高蓋豈停洪濟雨深情應戀慕華盃
牀頭燭影穿帷亂眼底春光惹恨回爲報臨津留賞去鳬波肥雨近樽罍

次碧蹄館西二石將軍 正使韻

高峙雙軀擢白雲堂堂冠釵可張軍斷磨不假他山質意氣雄豪自出群
非關壓勝鎮邊陲高並成都石笋奇莫道將軍無自衛薜蘿爲帶樹爲籬

右副使韻

高懷慕元章下車獨拜石劉化肖冠劍凜然高幾尺秦橋督鬼功漢壇留
仙迹不是煩雷斧歷劫終難易

次坡州館 正使韻

經行攬勝極關河州館佳名最賞坡幽榭喜蒙新帝宇晚霽增媚舊山阿
梁空語燕忙營壘柳暗遷鶯互答歌惆悵芳樽難駐節夜來晴月照烟蘿

次過坡州館見衆芳搖落 副使韻

初來花事爛盈盈歸未經旬綠滿城自是詩仙題品別海邦紅紫掩閑名

次滴翠亭 副使韻

槐陰小坐清草徑與階平偶賞有天窗會心淹使旆輕陰留夕照微雨翳花明麗翰標佳扁他時轉見情

次重渡臨津江 正使韻

山氣含江暝蒼茫暗不開蘭橈依岸曲候火出山臺延賞杯難進催行鼓似雷已成今視昔他日若爲來

次重泛臨津江 副使韻

寒衣乍脫重櫻春服初試方空江舸乘潮緩轉詩情御氣高翀

白雪音留江上青山影落盃心偶然諧得戀賞不是玩送光陰

次晚渡臨津江 副使韻

水深魚得計難遠鷺爲群細浪搖檣影清波煥鵠文歸心懸捧日離思正
關雲小酌不_成醉含情江樹曛

次重渡臨津江縱魚歌 副使韻

荆江赤壁在吾東來游 詔使蘓仙同桃浪初生容泛舸入網松鱸與衛
鮪厨人得雋恬不悅活剝串炙洪爐中登盤指動共吞嚙誰肯放爾溟波
冲龍津丈人偶然逢推念萬物天同功魚鳥栖潛在深崇天機自在難留
籠胡爲貪餌辭舊紱穿腮照沫盆水容刀几誰憐尾鬣紅孟公博雅心期
冲放生奚獨常州滌此間有水清而洪縱汝好隱藻荇叢慎出莫犯漁人
篆龍門點額乘風_神天也浩渺層霄空先生有鈞掛崆峒起挹元氣凌冲
融餘力控此赤鯉公斬蛟血染霜鋒雄遂令四域無驚烽普注霖雨回蒼
穹澤被海外作時豐豈徒此魚恩私隆終期贊翊在 天龍收功咸若民

次臨津江口號

副使韻

絕壁衝波控短亭
渚花飄雪亂蜻蜓
三春不覺忙閒過
笑殺身如水上萍

次東坡館翫月

正使韻

清江終捨棹
候館正啣坡
一舍詩篇在
重來意緒多
疎簾先受月
細酌試
奔魔獲玖慙
虛報高吟至百過

次重過東坡館

副使韻

東國切中華
東坡揭州館
細讀兩仙詩
不覺思過半
西蜀繫地眉
陽邑三
蘓卓卓留名跡
地因人勝古
所云豈是取名
湏物色中外
雖殊氣則通
真
假互根終歸同
吾邦選使盡才
望嘗聞物論歸
長公寧知嚮慕
名亦變華
痛忽揭人改
見高樓弘敞
壓道周莽蒼
烟蕪連海甸
小見安能法
我私欲
向大方煩釋疑

公曼者重

次東坡道中用雲岡韻回文體

副使韻

潏潏弄破襲霏霏永晝清風橫鎖扉喧寂任遭閒是趣綠緋拋着野為衣
村村足雨經春晚院院收燈放客歸 溫詔布恩優眷重薊遼過處遠旌
飛

次吹笛亭 副使韻

天籟時聞逗萬松危亭不礙八窓通玉笙吹斷梅花落麗代興亡一望中

次吹笛橋 副使韻

落日伶俜渡畫橋半邊芳草抹裙腰江聲不洗前朝恥依舊春流應海潮

次重八開城太平館 正使韻

春陰含院落飛雨映雲纖已黥絢桃臉新抽綠荀尖風微剛動幕日薄只
烘簾歸橐無裝物千篇貯未嫌

次開城十絕 副使韻

扶蘇山舊色還新萬古興衰一片塵留取城池壯形勢至今供與弔亡人

征東舊省自前昏當日經營賀燕喧閱得忠邪同泯滅挽河今洗亂時痕
紅杏梢頭酒幔青晚烟猶帶戟門橫春光不覺堂堂去綠漲依然暗舊程
水簾琴筑瀉來清古殿巋然指廣明誰識真人餘故宅山僧唯說勝緣情

龍祖捨宅為寺
號廣明今廢

卜曆曾經五百春悠悠芳臭盡成塵制科哀錄多東士留與文章式後人
迎梅雨作送梅天使即驅馳犯霧烟幾處亭顏光射斗他年鴻迹討當年
龍門一接士皆佳卓立難攀萬仞崖談次幾回承善謔平生自信太常齋
天磨翠障挿岧峣見賞如今駐使輶上界有仙應過此碧霄如水夜橫簫
隱隱重巒控近郊山中何處可誅茅紫霞洞裏松千尺羽駕來時動鶴巢
宿鄣勞生隔幾重徒聞海外有三峰廢書嘆息成愁絕今古都消醉夢中

次觀高麗故宮 正使

石臺崩敗故城陰烟草芊韞輦路侵行邁悠悠誰復識騷人吊古意便深

搖搖歸旆帶殘春，領畧英雄一片塵。
從古荒亡唯一轍，都緣自絕不由人。
高高下下只空臺，使節諮詢訪草苔。
定是詩成堪泣鬼，不應尋古等閒來。

次登高麗故址副使

宮廢只臺城，喬松送籟清。
歌樓山鳥哢，輦路野花明。
麗祖真身致，孱孫不嗣行。
山圍猶據勢，水逝不留泓。
蹙自封疆始，虞從肘腋生。
綢繆初輦戶，泮散竟漂萍。
跡厠雙旌返，褒蒙一字榮。
還賡懷古什，留取賀遷鶯。

次見溪上籠魚副使

清波含錦幕，非爲矢魚來。
圍圍欄初動，莘莘荇復開。
義生何忍擲，索笑下煩尋。
放爾西湖水，沙明兩岸苔。

次金郊道中口號正使

兩宿新添麥浪溪，奔亂折春山離愁正擣心。
曲懽緒難憑夢間，才卓越倍百陋質薰沐逾三翰林。
筆追內史諫議學，嗣征南。

次吾助川副使

山支忽斷如立堵，積鉄橫捍奔川鳴。窾穴埋沙受洩水，白虹沉沉終不盈。
鄰界見蛟，寫鏡面瑤草。承崖春遍青，靈源遠自瓢。淵來曲爲湍，激舒瀾平。
懸瀑軼盧山，天紳萬丈噴雷聲。餘流奇絕尚如此，旬引詔使昇天
行。長篇短韻互標別，水增媚色山增明。川名從此顯天下，可但滄浪消濯
纒。

次過脫彌嶺副使

羊腸百八曲，騎從踏雲堆。不阻星槎返，曾經漢昭來。旌旗穿夕霧，鼓角
動清雷。憑報山靈道，天仙閱幾回。

次重宿興義館

正使

壯酌宮醪正潑醅，庭除少綠掃莓苔。燒殘燭跋侵宵短，撻盡簾鉤待月來。
萬里歸心猶在客，一春愁緒強登臺。豈將視草西清手，付與詩囊滿意裁。

沈氏分集卷之六

右副使

暫停潭上席，還度石門烟。
樹韻晴生籟，灘聲夜鼓絃。
詩新盤走汞，筆老錦

次過猪難副使

派從靈澤落，山阿路走東。
西控沮河玉，郎衡烟臨鳥。
道蘭舟盪漿，送鳬波

十年古渡分疆路，
遠百戰遺墟捨鉞多。
候送皇華多少士，衣冠

次過金岩口號 正使

已提高名擅斗南，詞鋒復並海山巉。
東來物色多題品，留與文章勒翠岩。

右副使

東橋西苑幾，店西曉綠車。
三家為問，千里鞍馬何如一區雲霞。
料文高足飲，醇好夢詩成生草。
俊逸君兼鮑，謝瘦寒我似郊島。

次望寶山副使

重重綠樹護朱闌，簾捲東風對夕巒。
斜日浮嵐濃晚靄，小橋流水細彎環。
憶向江頭迎漢節，始看紅糝綴桃花。
流光幾許還脂轄，歸及金臺定削瓜。

次宿寶山館正使

數舍百里間，富媼釀埴亦澄潭。
寫鳥影綵逕多獸跡，煌煌使輅過正值春。
山碧岩花撲征衣，洞雲縈馬策有興無疾驅。
丹崖與紫陌勝地本前期，流光一過客道路豈有窮佳辰幾今夕。

次寶山道中副使

玄菟山水元佳麗，况被仙曹潤色來。
羅帶玉簪俱入畫，更煩題詠剔荒苔。

次重游慈秀山副使

茲山遇賞自圭峰，話本遠向中華飛。
水濱壁立翳藤蘿，山氣索然無煥暈。
一經天眼鑑識別，山增峻偉水增肥。
文章簡雅叙勝踐，上摩奎緯通光輝。

時當妍暖春序闌山花凋草皆芬菲神泉瀲灩泄虛北烟霞斐疊粧巖扉
貞珉有載似召棠風望異世今人希寧知兩仙撫往迹爲駐玉節盤苔磯
頌慶旋車恣幽討預戒鄙人令勿違促行屏從自寶山山頭杲耀昇朝
暉障流承空縱活鱗編橋架梁聯帡幪意行窮賞復小酌盤羞草草登巖
薇溪喧雜佩惺醉耳不勞嘈切鳴琴徽夕陽在岑鴉趁栖忽忽一會如夢
非翠屏新賞耀雄文直與董碑爭纖微越裝何用要千金橐中收此溪山
歸

次安城道中副使

輕陰漠漠晚還開茄鼓前驅響轉雷一道巖密雲繚繞半邊林壑水縈迴
春光有象抽紅藥雨意無憑寄綠莓此景此時難把玩不堪他日黯然來

次龍泉途中題屏風岩副使

崖面陰森護紫苔日臨烟渚畫圖開曾經天眼標名去更被儒仙激賞來

此日觀風收物色他年調鼎濟鹽梅冥鴻踏雪無留迹喚你元章拜石臺

次重過龍泉 正使

山頭雉雉翳嵐彩水面魚行吹柳花寒氣剗漆連宿雨晴光忽透散殘霞
龍門日日已逾涯每得佳篇絢筆花苦掉吟頭猶不已傍人錯訝帽簷斜

次過鈎水口占 正使

蓋新霁釋嶠繡錯水田洲望裡成幽境吟邊聳玉樓湖邊元得句岑外
更傳文投分期膠漆相思隔樹雲初逢春錯莫欲別地橫分此會那能

又他時鴈字聞

次鳳山洞仙館 正使

峻嶺斜連郭平蕪半雜田架梁通野渡依石貯山泉階藥春藏院亭臯買
費錢定知增物色留賞兩詩仙

次棲鳳亭 副使

威鳳本瑞世如何來海島聖人嘆不至可知傷世抱東韓雖僻遠鳳來
儀好名亭豈落莫文字自諫草

次黃州道中望海

正使

天遙不辨如薺樹島近時看搭素霧涵泓侵虛杳無津混混百川歸墟注
我行正值晝多陰日車避匿狂雲妬架橋未試鞭石功冉冉沅年曾不住
偶隨使節共盪胸惻淡山椒荒日暮何年暴骸委國殤道抵灌莽蕭蕭窳
孤兒燃犀未暇照幽恠鼓橐返遭天風怒玄虛賦手屬兩仙顧我有懷安
敢吐

次重過齊安館

正使

微微風緒燕差池拂掠殘花雪滿枝萬里經行諧俗異一方探討得觀奇
多因感物春懷亂每為題詩夜卧逢舊館蕭然聊復過他年誰記上樓時
次齊安館別金叅判

正使

清溝懸濁水蛙坎隔鵬程春樹漢陽路暮雲征虜營孤吟更短燭高會喜
新晴簇錦蘋花老悠悠採掇情

右 副使

崢嶸懷邁往吟眺愛登樓去屬緇衣賦離多彩筆愁缸光穿月動墨色爛
戕浮袖裡驪珠蒲長思氣味悠

次貯福院 正使

面勢茫茫極遠山依然風物入吟間試尋一榻寧思睡暫駐雙旌不富閑
野日弄苗陂色膩墻陰護濕蘚花斑春光屈指餘無幾應逐星槎萬里還

次重過生陽館 正使

到處題詩篇春雲繞筆尖聲名元瑞世事業在調鹽已獲蘭薰襲多蒙歷
水霑未由酬逸韻吟苦鬢斑添

次平壤城東道中 正使

畫橋西渡接長溝蔽日蒼雲蔭路幽滿面風埃迷皂白還騎鐵獺當清遊
一帶平波吹粉堞江干日射散輕烟追陪玉節窮清賞不數酣歌倚少年

次重泛大同江 正使

樹擁千尋碧江橫百雉城樓臺欣郎弭風物愛春明沙疊清沱見潮通盡
鷁輕邦人能近客舟楫遠將迎

次登浮碧樓 正使

絕離淺渚擘泓深風約檣旗颺晚陰諧得仙曹高賞趣天公元不拒人心
輕舟盪滌送驚湍水氣侵入向晚寒篷透晴暉搖綺席纜牽芳芷並清灘
鼓吹喧喧殷暝灣縱橫百炬閃平瀾真成燈火下樓去歌舞闌殘擁赤欄
心疑凌灝氣身欲跨鸞翔天遠供游目樓明納霽光金微調曲緩玉罍薦
醪香何處飛來絮晴街夾綠楊

櫻勝齊黃鶴仙歸馭白雲名高真可尚韻絕自難群雨黑平奔野虹明倒

射瀆當懼吾已憊離思正紛紛

次題牧丹峰 正使

積穀微茫入眼平水田孤島樹圍城軒騰恍出風塵表寥廓如聞笙鶴聲
廟里曹劉宜退舍孫因李郭幸同舟錦屏開盡花王艷留得仙曹耽晚晴

次浮碧樓 副使

青壁臨江峻何年起畫樓野雲依者斷空翠入簾流月瀨看金躍風潭亂
鏡浮沙堆蛟蜃窟烟暝蕙蘭洲會賞真仙過冥搜秀句收奇觀隨去富高
興攬來稠揮塵無前對題詩在上頭道存彌宇宙靜勝任喧啾流峙終千
古蜉蝣閱幾秋明朝佳會散回首夢中游

次牧丹峰 副使

萬仞層巔乙密臺共將謝屐躡崖苔平看亂樹千家暮俯視長洲一帶回
浩浩機緘藏處大茫茫興廢眼中來深杯雄辯商今古不覺心腦頓豁開

次登詠歸樓 正使

柳陰江路撲縣時乘興登樓俯碧漪
潮近海來沉別浦雨拖虹過酒餘絲
風尖透幔消殘醉水氣欺人引滿卮
好古儒仙尋九一却參形制得歸遲

是日看井
由遺址

次先月亭 正使

豪氣苦不除登臨散碧疏
歌鍾暫撥開嘯傲未全疎
不礙負牆隈虛簷面面開
尋常任顯晦明月最先來
遇賞名復新暗中如得曉
何須燕賀成喜噪來群鳥

次練光亭 副使

浩浩如來氣茫茫正倚空
斷雲開晚霽斜日射殘虹
撲翠細簾捲流丹畫棟
隆樹深鶉獨闕城頭鼓三通
文續唐仙作詩酬鹿野風
茲亭增擅勝應

爲屢道逢

次重登鳳月樓副使

踏盡雲梯迴麟紀。絢日斜清池散荷蓋。殘雨送春華。曲檻深留月。踈簾空
透霞。緇衣今改敝。蓮燭舊傳嘉。只有無邊景。長輸海鳥沙。

次重過安定館正使

心馳紫極夢相參。晴日烘簾送鳥譌。萬里英標瞻漢郎。一方優詔聽芝
函。綠陰幕幕迎初夏。紅雨霏霏落半巖。借榻無由挑綵筆。又隨笳鼓着征
衫。

右副使

燕壘時黏壁。蜂脾正飽香。身猶青社遠。夢越紫鸞翔。薤葉宜挑睡。蝦鬚好
納涼。客途何日盡。高枕任閒忙。

次登肅寧館樓正使

華譙隱約出烟林。徙倚羈懷轉不禁。試把經春懸一極。意平分仍歲望鄉。

心忙間可看
重留賞勝處
唯須一放吟
白雪陽春音
滿耳只愁瓊
樹隔千岑

次肅寧館

副使

攬景春無所
登樓日未斜
野昏沉白霧
天碧爛明霞
小榻聊尋夢
孤燈細綴花
了知懷靡盬
那復念回家

次重登百祥樓

正使

亂渚平分一
帶川層樓游
目送輕舸香
風夾岸翻蘭
葉碧樹連燕
起暝烟善頌
才高歸客右
遠遊春去幽
吟邊越南不
要裝他物只
攬風光極海
天

樓適新成又值
春盡日故云

次送春十絕

副使

春陰深翳日
華明一雨無
端阻客行天
為星軺多借
便畫樓登眺
屬新晴江山
依舊好懷開
豪氣崢嶸隘
八垓收拾風
謠充使職不
應光景等閒
來

簾額春晴撲柳花芳洲新綠暗枯槎風光點檢無人管輸與高才賦驚霞
萬重燕雲路未賒紫宸歸夢聽宣麻憑陵愁思挑心曲偃蹇江山繞筆
花

城池百戰迹應漫往事寧須指點看隨將亡師猶帶恥海門依舊送潮寒
萬景撩人困役眸不堪愁緒醉來稠歸心翻動隨春去離恨微茫逐水流
春光忽忽老烟花解道花時不在家人世豈堪終迫隘幾時仙佩借飛霞
咄嗟率構聳江頭起廢新功正值收地勝因人須善領兩仙持節辦清遊
也知物色增奇勝華扁輝煌奪目驚畫棟流丹新鏡展珠簾納日晚華明
四海聲明共挹香東來奇氣覺尤長炎蒸定倦風埃路應憶高樓一味涼

次重泛清川江 正使

喚得清風運畫橈汀洲日出霧全消江神也解留人意轉馬沙頭沒晚潮
追陪幾共泛輕橈眉宇令人鄙自消江水東流通越徼思君一片竹春潮

次嘉平館齊山亭 正使

亭高山亦高山豈與亭齊一日揭佳名頓釋人意迷
花階面閣綠陰繁
顧低迨此使節駐報喜坐烏啼仙遊不可再回首石門西

次齊山亭觀射 副使

皇家眷綏視列侯從臣
命臨東陬羽騎才官共護行負技決拾仍臂
講穿楊晉蠡各分曹
調弓白羽調絃鏃遙看樓鵲數百步應手晴電驚山
頭巧者返拙拙者優
金注感內多輸籌射雖小技衆六藝况校勝賞超
流邊頭効力衛中華一戰醜虜連帳收東韓雖遠則近鄙
遊魂不敢窺邊
水捍禦酒憑此事勇還朝為奏
聖天子

次重過納清亭 副使

曉星一支縣千里
華亭翼然臨溪水
山淨波明絕點埃
擅有清淑隨所指
何年見賞顯如今
名索唐仙記徵史
清詩華篇復改觀
勝事直從今日始

次重過郭山孝女副使

山頭古堞明峨峨候館啣得民廬交何年片石紀純孝有女療母知所報
母年高邁危疾纏痛在親身女心煎攀天達誠不能奏割投未效空延候
殘肥活母敢愛傷霜刃落指金刀藏鄰里驚嗟擁墻壁寸匕入口便已疾
天人一理無不存至誠感痛能回天請看綽楔旌其門民彝初不聞男女
風化所漸人自敦使軺褒揚罄毫墨嘆息東人重名節懸知採拾帶還朝
數奏明廷勅獎烈

次重過林畔館見水田

正使

薰風歸騎試宮袍曉陟東臯一望高雨足溝塍深積潤苗分陂隴亂披毛
連村喜氣浮晴隰百室歡聲沸海濤帝澤均霑無遠邇阪田那復長秋

蒿

次重過所串館卽事

正使

客路行多通野水春聲相續亂鳬鷺旋旗曉發氛初豁島嶼晴開路不迷
紫氣遙瞻璇極北離情忽掛海門西往回不覺春交夏桃李空成舊日
蹊

奉別正使大人

圖南鵬擊廓層空九萬扶搖穩跨風餘力首登多士選高才獨出並遊雄
鸞書遠布謔詢遍鯨域懽迎景仰同匝月趨塵情未洽不堪雲樹隔江
東

多承色笑藹春融復荷詩篇擬過簡斷港洪河寧較大天葩野艷欲爭工
蓬心頓豁鋤荒力習氣難收變魯功瞻望豈能隨鳥翼只憑深意以聲通
奉別副使大人

菴蓋溪山淑氣鍾賢科一捷遙襲龍江西發軔聲名大諫掖登坡夙夜供
輟從中宸膺簡命浮槎東海盪心弦清溝濁水元非對終愧微蓬噴巨

鍾

獨鶴鷄群豈混籠深冬雪裡挺孤松高詞雅麗多裁錦巨扁雄奇復縮龍
一夕登門增鄭重三春陪鄭挹雍容空留漢武音盈耳沙上飛鴻不記蹤

次江之水

正使

萋萋草色連蒼苔一條去路緣江開預戒封人設祖席共待車馬駢闐來
我車已脂我馬驕行意未決空徘徊徘徊爲誰惱有懷勿復道人生萬事
難作離何況遠違我所思春仲逾旬念始見偃僂循牆寧覲面當時一諾
已償分豈意明珠索枯硯玉皇傍邊大小仙才調卓犖傾群彥聲容一

接可反隅知自視草蠻坡餘往回匝月春風中溪山歷歷隨使車萋萋坡
草遠叵測去住平分路南北終投深分遽判袂何似當初不相識有酒不
能澆惡懷忍使弦矢當前乖吳歌酸惻和楚舞強排壯心無好語黃鵠迢
迢顧壤虫行塵滅沒天垂渚謾把緇衣歌好賢冥鴻泥爪留朝鮮他年萍

水可再得許我趁塵莫難色

次游漢江

已友詔使華察薛廷
寵時以宰樞參游觀

山擁層城水繞臺星軺戒路雨清埃麥波搖壠臨江盡松籟乘風拂座來
景觸詩鋒初放逸酒衡愁陣已恢開兩仙襟度寬千頃自愧切堂守覆盃
緩引蘭舟并古丘桅竿風緊過長洲游魚暗避宮袍爛舞鳥欣迎桂棹浮
筆下倒傾三峽浪空中洞豁幾層樓曾隨勝侶窮探討今備趁塵得再遊

右副使

江風吹浪動高臺雲幙周遭障撲埃日脚掣蛇橫浦去楊花袞雪入簾來
仙蹤已發壺中秘勝集仍教席上開屢假溫顏恢雅量更回清眄屬深杯
潮來不覺沒沙丘穩泛樓船下遠洲芳社氣薰牽纜送薄嵐光襯捲蓬浮
高才已壓三王作健筆堪追五鳳樓獲助江山詞轉壯茲遊無愧子長遊

次楊花渡阻風

正使

擬浮文鷁泊龍頭斷渡風來勢倒流意足不須窮勝踐邦人爭望李膺舟
高文上訟今能事風伯寧遽下瀨艖只是罷遊應宿債從來行止捻關天

次游楊花渡不至副使

狂風無奈阻行船遙望楊花意惘然巨纜挽時疑簾斷輕篙進處却鉤連
烟光晚合平蕪際樹色晴迷遠岸邊不比山陰空與盡隨綠輟棹亦天全

次寄別同游漢江諸君正使

不分龍門泰受知更爲後會果何時郵筒遞信披佳什玉樹臨風想妙姿
翰院埭中高步武曹娥碑背好文辭獲霑賸馥元非擬何況留詩重別離

右副使

菲才蒙鑑賞撫分愧仙真鴻迹尋無處雲霄夢想頻

次立春

丙午
鶴時爲
吊祭使
王
速接使

東來行李任蕭然絕塞逢春祗自憐彩勝空懷隨舊賜桃符行見換新年

青錢還重傾朝望
白雲詞高萬口傳
恩共陽和先海外
鯨波不動漢槎邊

次義順館

鸞書初壓境候騎溢城闔
拜舞情俱切觀迎色共新
袍光爭日綢旗影漾波粼
拭眼瞻麟鳳朝家慎簡臣

次發林畔館

日日馳嚴傳咨詠不自遑
原田連海甸列郭近邊疆
篝火離山館衝星犯曉霜
行收如獲蘭還補舜衣裳

次嘉平道中

平生叱馭心豈憚九折路
珍重捧鸞書皇恩期誕布
紅橋碧玉流清啣漢郎去
他日來水頭懷人知有處
清詩嘖絳雪讀罷神爲醒
餘光被岩壑千古貴茲亭

次控江亭

龔仙留賞地

龔雲同
改今名

風榭八窓開旅望窮雲水詩魂謝垢埃衡寒驅傳去

載酒趁春來物色餘霞鷺應輸腹豪才

次過箕子廟

周命維新商運終縲囚終釋卽分封八條祗得開荒僻九類何曾見變雍
故國夷墟悲秀麥斷碑橫草吊寒蛩魯儒不顯心中事誰並三仁訪舊蹤

次八平壤府

使郎煌煌破僻荒孤城訪古爲情傷樂浪舊說紛爭罷都護虛傳策慮良
一帶控津流浩渺群峰環郭鬱青蒼只將詢採充歸奏風壤無勞付職方

次渡大同江

須江天作塹南北控通津舫舫迷沙岸樓臺壓水瀕豈期叨執轡還復奈
趨塵若濟應須楫餘波及遠人

次黃州

傑構層霄軼憑虛可散愁亂山當附郭深樾繞長流
梅動何郎閣鄉遙王粲樓定知旋節日春物侑清遊

次過鳳山

嶭嶭候館開庭宇翳林麓側遙趨茅茨髣髴聞杼柚
半榻放黑甜午鼓傳鼃吼謝草欲生塘天趣知圓否

次蒼秀山

意緒八春蕪殘骸用杖扶每逢清境愜還愧賞心孤
崖濕知泉泄碑傳到海枯仙曹方屬興奔軼戒輿夫

次晚至寶山館

靡盬促征軺嚴程每犯宵溪分同燕尾山斷學蜂腰
川路終傷隔羈棲正對消莫嫌陪賞缺佳句當招邀

次月

升魄窺青嶂流光透綺籠悲歡隨境別憐賞與君同落燼收殘燭孤音墮
斷鴻應思京國夜酣宴不知終

次金巖道中

山多對峙似城嶠隨處孤烟認斫菑却是隣袍驚遠俗闔門爭覩好威儀
幾區烟火散荒村樵逕縱橫盡逐門莫問阪田征地利一生隨分老雲根

次金郊道中

宿鳥已趁林前川可屬深換年猶遠役緣景費閒心野曠烟常薄山空巖
正沉乾坤容物幾斷四愁吟

次發開城府

故國繁雄舊芝函擁綵旗覆車堪戒後營邑緬懷初候近奔諸校榮觀聳
比閭局堂人種學經籍是苗畬

次漢城迎 詔

累葉鴻基正襲芳卿雲護 詔拂穹蒼悼 三有典貽光寵節惠貽 名
厲急荒麟服策輶臨鯨域 帝言敷札煥天章 皇仁自昔已藩服不數
窮兵似李唐

次登太平樓

迴倚雕欄俯鳥飛蜂房螳垣共聯依花當春開蒸霞氣桂入秋清逞素輝
吟放詩魔除痼癖酒衝愁陣解重圍欲歌改敝留仙賞爭肯高情厭薄微

次游漢江

結束蘭橈候水干平湖波靜拭銀盤仙舟幸接聯茵會清賞寧孤遠索寒
是日西風峭緊不拒舳舻供酒事還將丙穴付厨餐高卷未放窮權地錦繡難教

縱急湍

頽陷 恩綸為翰藩漢江幽勝絕塵喧使華來賞皆仙侶下席追陪接緒

言對景移尊同泛觴當歡念別悅聞後雅容整駕人爭都不似山公醉筇

次重登太平樓六絕

簷虛易納暉山近常撲翠嘯傲百尺高剛風灑面醉 暖氣逼園林春禽
鳴復下莫以感物心秉燭孤清夜 邦人競瞻依共惜遠言歸我欲洩其
思爲君歌改衣 麗藻過黃初籠紗揭粉壁向來吾東人頭曾見此客
錦袍扶桑東白雪華嶽西歸心懸急傳脂轄候晨鷄 西來幾山郵隨處
叨伴宿明發首歸途何由共剪燭

次鄙句不足以辱清教

獨學遐取欠問奇拙黃儼白強摘詞效輦祗益東施醜大雅前頭敢道詩
紙價翔高爲寫傳命騷清製氣蒼然此固所得能多少一斗從來有自篇

次渡臨津江

自多曾得御何意更同舟
纜動開青壁橋移起白鳩
揮犀談未了擊汰興難收
他日經過地含情憶并游
勝事知難又浮生固有涯
水明拖練帶山斷隱城埤
歸路郵非遠芳鐙厓可移
茲遊未宜泯紀與使華詩

次蕊秀山小酌

水含雲幕雨霏微魚隊猶知駭
錦衣莫忘為修溪上飲
定應還對甯中妓
歡踰禮分承何數話勝儒書聽却
稀肯與茲山詩
領略袖中東海不虛歸
次夜燕廣遠樓

能賦諸公後篇章盡護紗
賞音來有數綠景筆添花
高會更華燭嚴程起
爛霞接茵慙不分深爵肯辭加

次至大同江見柳

水帶華譙濶堤當密柳籠
畫船容整待清賞
不知終料絕
戎耗化微

幻蓬使軺旌僻境摘藩籬天工

次次大同江

天晴散綺霞烟水香津涯野日明
離鄕江風送晚樵清樽饒興緒高
眺豁雲沙留得鄉人語仙標見使車

次登練光亭

江波除野平虛檻跨層城仙侶來
拚賞天公故餉晴日分簾額影風
遶棹謳聲共約仍薰德何如食楚萍

次登浮碧樓

移尊繞罷亭驂目遠窮垌不謂文
懽地翻成送客亭顏光堪繼燭缺月
未升溪雅興通遐賤皇恩荷輯寧

次早登快哉亭

撥忙登快閣無處不春華形勢開
重壘歌理初收家樓明通海日定
遙矚

江花安得淹仙馭芳樽醉九霞

次謁箕子墓

堂封當道左使節駐移時授聖書猶在佯任意孰知三仁雖異迹萬古尚同師黃卷空相對半如一尊醴

次登百祥樓

江氣物象媚晴曦嵐重烟沉頓失奇半壁鈿峰是日風雲也妙有潭潭以四圍風慢祗低垂酒因陶寫難辭累筆為牢籠欲放遲每和陽春才告盡然就終日費吟思

次定州遇雨

春半猶慳澤潏潏八夜中壠沾枯麥活渠溢小池通喜酌傾尊綠高吟剪力蟬紅幸同憂國念寧不願時豐

別詩五首

別漢江太平
秀百祥道

試政喬遷擁使干青雲岐路有回盤龍蛇巨筆爭春麗水雪高談勝水寒
戀闕未禁更夜燭嚴程頻見輟晨餐攀游漢曲無多日又送仙槎泛綠淵
紫誥貽名獎謹藩使旌綏建報音喧候迎檀重疊書定會合情殷假舌
言離思可堪聞折柳淚行寧待續啼猿烟霄不隔東溟遠鴈字時能問雁
園

歸心渡水正如飛仰德難攀恨失依行帳屢容交塵尾障簾猶許共燈輝
驚瞻貴相山千仞會試殊遷帶十圍鯨海秦城餘萬里幾重春樹隔煙微
膚淺何能發奧微向來聞道欠摳衣薰心只要蘭爲室盥手還思露取薇
日下盛名推少對郢中高調和尤稀使裝厲操如清獻蜀道身兼二玩歸
關河妍暖曉春曦陪賞平生足一奇曉榻東嚴催牽發畫船移渚對雲垂
令傳深酌輸籌屢漏下重城入院遲回首已成今視昔百年憑夢但尋思



